



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Lucae Opalenii. Marsalci Curiae Regni Poloniae. Seu  
(Anagrammaticae.) Pauli Naeoceli De Officiis Libri Tres**

**Opaliński, Łukasz**

**Amsterdami, 1668**

Caput I. [...] id est, De Notitia Dei.

[urn:nbn:de:hbz:466:1-46825](https://nbn-resolving.org/urn:nbn:de:hbz:466:1-46825)

thodo, & novâ, & brevi, explicem: ad gloriam ejus. Illustra ergo mentem meam, ô lux vera: ut aliquid te dignum, & videam ipse, & aliis aperiâ.

Sed ne longiori Præfatione te morer; prout soleo, ordior à definitione. *Pietas, est Officium, quod genus humanum tenetur* *Definitur præstare Deo.* Id autem in tribus consistit. *Pietas.* Primum: Deum, quâ potest, & debet *Et divi-* *nosse.* Deinde: eundem certo & congru- *nitur.* *enti cultu venerari.* Postremò: eum solum *amare.* Hæc tria explicanda mihi deinceps; totidem Capitibus propono.

## C A P U T I.

*Περὶ θεογνωσίας id est, De Notitia Dei.*

*Latè patet Dei. notitia.*

*Sed ad officii modum redigitur.*

*Theologis.*

*Est homini necessaria.*

**A** Deo quidem latè patet, hæc de Notitia Dei, dissertatio; ut vel totam Theologiæ scientiam, posset occupare: sed cum non tam Contemplatio, quàm actio, ad Officia Pietatis, de quibus hîc agemus, pertineat; ideò relicta τοῖς θεολογούμεοις plena tanti argumenti tractatione; quæ ex usu, de illo scire sit, in compendium redigam.

Est verò notitia hæc prorsus generi humano necessaria: est animorum salus, fidei mutux præcipuum vinculum, lex vitæ, & quid in illa agendum, vitandumquè sit, suprema regula. Cuncta enim hæc con-



constare non possunt, & perturbatio officiorum sequeretur, Dei ignoratione. *Ut vitam ejus temperet.* Quando profani etiam Poëtæ dicto, primæ scelerum causæ mortalibus ægris, Naturam, nescire Deum. Mens etenim humana, nisi arbitrum sui agnosceret, facile prava intra se foret: & affectu, ac voluntate laboretur: invalido ab externo motu auxilio, cui actus interni non subsunt. *Noscendus itaque Deus est, non quòd curiosè nimis inquiramus scrutemurquè; sed ut admirationem cum æstimatione, venerationem cum timore, amorem denique cum fiducia, in nobis erga eum concitemus.*

Hoc itaque fine, dicam hoc Capite tria. *Trifariam declaranda,* Nempe, de *Natura Divina ut in se est:* dein de: *ut erga nos est:* Postremò: *ut à nobis nosci vult.* idquè totum ex constituto religionis dogmate, & Ecclesiæ sensu.

## PARS CAPITIS PRIMA.

*De Natura Dei, & quid in se sit; ubi novo modo, ac ratione, dogma Trinitatis accuratè explicatur.*

**D**Eum esse demonstravi in Prolegomenis, in ipso enim Scripti initio, id velut fundamentum poni oportuit; quo structura libri surgere posset. Nunc qualis sit, quâ possum, explicabo: *Deum esse, dictum supra est. Nunc qualis sit* Quâ possum, inquam



*dicendum.*

quam ; plenè enim Naturam ejus adsequi , non est virium humanarum : ut infra , parte Capitis altera , cùm de gloriæ donis agam ; demonstrabo.

Sed est etiam cognitio , & comprehensio quædam , ut id , quod certa ratiocinatione agnoveris , ita esse ; id fatearis , quoscitur , nemodo ita fit , comprehendi non posse. *sciendo.* Hoc genus cognitionis Dei nobis convenit maximè : hoc est ; *non capiendo eum , capere.*

*Et quid non sit dicendo.* Itaque magis convenit de illo dicere , quid non sit , quàm , quid sit . ut ; non esse multiplicem essentiã : partibus : compositione : numero : sed omnino , & undique unum simplicem. *Non est multiplex sed unus.* Essè enim , inquit D. Augustinus : nihil aliud est , quàm unum esse . Et in quantum quid unitatem assequitur ; in tantum est . *esse.* Unde simplicia , ideo magis sunt ; quia una sunt : quæ autem composita ; concordia partium , imitantur unitatem : & in tantum probatur . sunt ; in quantum , eam assequuntur : & *Etiam exemplis.* nisi eam haberent ; non essent . Quæ enim constant partibus ; sunt unum , in suo toto : quæ ex accidentibus ; unum subjecto : quæ plura numero ; sunt una Specie : quæ specie varia : genere uniuntur : & demum productione multa ; unum sunt principio . Sequitur itaque : ut idem sit esse , quod unum esse . Deus verò ; cum sit *αὐτὸ τὸ ὄν* , & ejusmodi esse ; *Ens à se.* ut nisi illud esset , ideo longè perfectiori quadam



quadam ratione, & *παυτελῶς* unum sit; Omni-  
neceffe est. & id est illi esse, quod unum modè,  
esse.

Unum, inquam, non modò simpli- <sup>Est nu-</sup>  
citate, sed etiam numero. Nam *si plures* <sup>mero.</sup>  
*essent Dii, essent differentes: atquè adeo om-*  
*nes imperfecti: nam in eâ notâ, in quâ differ-* <sup>Alioquò</sup>  
*rent, ab invicem; deficerent.* <sup>imperf-</sup>  
<sup>ctus.</sup>

Imperfectum autem Deum, nemo di-  
xerit. *cùm absurdum sit, eum qui est à se,* <sup>Summ</sup>  
*non perfectum omni ex parte esse.* <sup>autem</sup>  
*Aut enim sibi dare, quod summum, perfectissi-* <sup>perfe-</sup>  
 *mumquè est, non potest; aut nescit; aut* <sup>ctum esse</sup>  
*non vult. Non primum; quia qui à se esse* <sup>demon-</sup>  
*potest, omnia potest: Non alterum; nam* <sup>stratur.</sup>  
*qui se plenè scit, scit etiam quod sibi optimum* <sup>\* vel po-</sup>  
*sit: non demum tertium; quis enim, cùm* <sup>tius Ha-</sup>  
*summè potest, & novit, non quod perfectum* <sup>bere.</sup>  
*est, voluerit: prehenderitquè? Est ergo*  
Unus, perfectusquè Deus.

Sed iterum oritur maxima difficultas <sup>Si solus</sup>  
Nempe; quòd dum unus duntaxat Deus <sup>est Deus,</sup>  
est, *si solus est, non est bonus: seu potiùs,* <sup>non est</sup>  
non est bonum. Boni enim maxima, inti- <sup>Bonum.</sup>  
maquè proprietas est, communicatio: foli-  
tudo autem, communicationem impe- <sup>Quia novè</sup>  
dit: aut potiùs tollit. Tollit ergo & Boni <sup>se plenè</sup>  
Naturam. Ergo τὸ ἐν summum, si solum <sup>commu-</sup>  
est, non est bonum. *At quomodo, cùm ab* <sup>nicat.</sup>  
*illo cuncta, quæ bona sunt; non ipsum ma-* <sup>Ens,</sup>  
*gis tale?*

Quod-



*Creaturis enim imperfectè.* Quod si dicas; explevisse Naturam suam, cum se impertivit Creaturis: falsum est. Non potest enim finitâ, & circumscriptâ communi-  
*communicatione, bonum infixitum expleri.*

*Nec beatus est sine consortio felicitatis.* Deinde: non est perfectè beatus Deus, si solus est. ἀφίλῳ enim esset, & careret con-  
*sortio, ac Communicatione sibi adæqua-  
 ta: in quâ suavitas, ac fruitio beatæ vitæ sita  
 est: dum nempe bonum, se alterum habet,  
 Amoris cum quo ex æquo se commutat, frui-  
 expers. turquè.*

*Nec summè simplex.* Tertiò: si solus Deus est; summè efficax, (ideoquè summè simplex) non est. Quod  
*sic deduco. Quò magis quidpiam sim-  
 plex, magis efficax est: ut inter elementa  
 ignis. Efficacitas verò in Natura Creatâ,  
 maxima est in eo; ut id quod efficit, sibi  
 quam maximè par, & simile efficiat: ma-  
 jus enim se efficere non potest: nam ope-  
 ratio, non excedit essentiam. Natura au-  
 tem increata, ut sit summè simplex, & sum-  
 mè efficax; necesse est profectò, ut non modò  
 producat simile producat; (par enim alioqui esset vi-  
 ribus creatis: ) sed prorsus alterum idem: tum  
 enim demum efficacissimum simplex cum pro-  
 ducit alterum: atque ita solum non est.*

*Et summè efficax.*

*Unum, Verum, Bonum.* Quartò: cum ostensum supra sit; quod esse; nihil sit aliud, quam unum esse; con-  
*sequitur, ut id quod est, unum sit. At-  
 què ideo, propriè unum est, quod est: sed  
 quia verum etiam est, quod est; Falsum enim  
 non*



non est.) & denique, *Bonum etiam est, quod est: nam malum non est: ideo Unum, Verum, Bonum est: quod est.* Cùm autem esse, fit, *Tria hæc Unum esse: ideo tria hæc, habent, unum esse: & quamvis distincta sunt, coëssentialia tamen sunt.* Porro *Unum; est Pater, id est Principium, Verum; est Filius: imago Patris; eum & vivè repræsentans. Bonum denique; est Spiritus Sanctus: necens amore ac fruitione, commune ac confors trium esse.*

Quintò: *Deum ab æternitate totà, nunquam sine actione fuisse; nec torpidam similemquè sopori vitam egisse; manifestum est: summa enim, æternaquè mens, quæ sola per se vivit vigetquè, quomodo potuit esse, actionis aliquando expers? cùm ne nostra quidem, illà careat unquam.* *Actio verò ejus intima, propriaque, quia interna est; ideo contemplatio est.* Quid autem contemplatur? *non aliquid seipso majus perfectiusque; nihil enim ipso majus, aut perfectius est.* *Non etiam tantum aliquid se inferius; nam sola contemplatio ejusmodi, non esset ipso digna; nec ejus menti par: nec sufficiens, ut ei per omnem æternitatem immoraretur: sequè eâ oblectaret.* *Necesse ergo est, ut sui ipsius contemplationem semper habuerit.* *Hæc verò sui ipsius Contemplatio perfecta consummataque ut sit; necesse est, ut Deo repræsentet totam ejus substantiam.* *Quod autem*

*Tria hæc habent Unum Esse.*

*Suntque Pater, & Filius, & Spir. S.*

*Nunquam Dans sine actione.*

*Actio ejus contemplatio.*

*Contemplari se majus nequit.*

*Nec tantum se minus.*

*Se ergo contempla-*

*tem*



*Et totam suam essentiam representatur; cernitur; aspiciturque; id sentiam. oppositum sit, necesse est. Et quod oppositum*

*Quam est, alterum est. Est ergo Deo semper oppositam ta, vivens, subsistensque sui ipsius Cognitio: sibi. seu imago: atque adeo, Persona (a) altera, co-*

*a Filius. eterna, & consubstantialis. Ab utraque Ideoque verò hac, manat, seu procedit, & tertia: se alterum habet. nempe Spiritus Sanctus: nam, ut sine contemplatione, & cognitione sui, esse Deus non potest; ita hæc cognitio, amorem sui & fructio-*

*Hinc procedit Amor. nem producat; necesse est. Qui Amor consubstantialis itidem, & æquè æternus, & subsistens, atque extans semper: & omnino, Persona est.*

*Sub tertia Persona Sed dum sic, in Dei natura, solitudo vitatur; cavendum maximè est: ne pluralitas, & ex illa diversitas, accersatur. Hæc Deus est unus, & non solus. enim utraque, & Unitatem tollit: & dis-*

*Quia in una essentia tres Persona. jungit: separatque: unde à perfectissima natura Dei, hoc incommodum oportet amoliri: & statuere; ut Deus, & unum sit, & non solus. Itemque, ut, dum est non solus; non sit diversus. Quod aliter non potest*

*consistere; quàm dogmate Christiano: quo est Essentiâ unum idemque; & Personis trinus: Pater, & Filius, & Spiritus Sanctus: nam hi tres, unum sunt.*

*Est inquam Trinus, & Unum: tum enim optimè sua ipsi constat Natura. nam Essentiâ, ejusque attributis, unum idemque est: (una nempe tribus & cõessentialis*



alis Potentia, Sapientia, Bonitas: una eadem-  
 què numero, compos unius Essentiæ,  
 Deitas: ideoquè nulla prorsus in illis di-  
 versitas. ) Solus autem non est, quia ipsum-  
 met Bonum est: se infinitè sibi communicans:  
 Perfectum quoque beatumque est, unitissimi  
 consortii dulcedine: quâ gaudet Deus, verè & Pater  
 propriè alter, & alter, ipse. Summè simplex, <sup>gignit</sup>  
 quia summè efficax est, dum generat ac produ- <sup>Filium.</sup>  
 cit, non modo sibi simile; sed  $\epsilon\sigma\omega\delta\omega\varsigma$  idem se- <sup>Substan-</sup>  
 cum. Nempe in mira emanatione illâ, Dei- <sup>tivè.</sup>  
 tati interna, nequè illius Unam Entitatem <sup>producit</sup>  
 egressâ, ab æterno Pater, visione sui, gignit <sup>Spirirum</sup>  
 Filium, & uterquè ex sui boni agnitione pro- <sup>Sanctum.</sup>  
 ducit Amorem: id est, unum eundemque  
 Entitate secum, Spiritum.

Quis autem comprehendat, aut effe- <sup>Mira</sup>  
 rat; quæ dulcedo fit, istius fruitionis, quâ <sup>hinc Di-</sup>  
 una Divinitas, in tota æternitate, se novit, <sup>vinitatis</sup>  
 atque amat, & in pari & æquali commu- <sup>felicitas.</sup>  
 nione, se sibi indulget, se mutuò oble-  
 ctat, bono contenta suo, ideoquè læta,  
 gaudens, & beata semper.

Esse itaque in Trinitate Personarum, unum  
 naturâ Deum, & ratiocinatione iam dicta <sup>Modus</sup>  
 colligimus: & quod majus est, remquè <sup>hujus ar-</sup>  
 continet, ac conficit, fide Catholicâ do- <sup>cani ac-</sup>  
 cemur. Sed, quoniam id quod asseritur <sup>curatius</sup>  
 esse, cupimus etiam scire, quomodo sit; <sup>& novè</sup>  
 ideo ad muniendum hunc locum, qui <sup>deducitur</sup>  
 profectò est Christianæ professionis, seu  
 Reli-



Religionis unicum fundamentum ; ex istâ ipsâ sciendi naturâ, sumpto principio: ibimus in amorem : ducemusque aliquam velut umbram Sanctissimæ Triadis. Id verò ex eruditâ lucubratione Patris Laurentii Pikarscii, è Societate IESU, eximii Theologi: quam mihi in suo dedit manuscripto : & quam ex ejus permisso, opportunè hîc ( sed compendio ) inseram : & explanabo.

*Scientia directa scit.* *Scientia*, ( inquit ille ; ) creata, naturæ rationalis, ut sit exacta seu vera ; duplex omnino esse deberet. Prima ; quâ scimus aliquid : vocaturquè *Directa*. Altera ; quâ, id quod scimus, nos scire agnoscimus: quæ *Reflexa* dicitur. Hanc utramquè, & se consequi, & ad se mutuò referri, omnino est fatendum. *Nemo enim scit, nisi sciat se scire, id quod scit* : exinde verò necessaria consequutio cernitur. Deinde, *si scit ; scit se scire ; & si scit se scire ; scit etiam*. Unde evidenter mutua Relatio patet : ideoquè, ambæ istæ scientiæ, & se consequentur : & relativæ mutuò erunt. Quo concessio : amplius sequentur ista.

*Sunt inter se æquales & pares.* Primum : utramque hanc scientiam, necessariò similem, & æqualem omnino, inter se, esse: *Quod enim, & quantum, quisque scit ; id, & tantundem, scit se scire*. Non aliud ; quia aberraret. Non plus minusve ; quia revera nesciret. Similis ergo  
necef.



necessariò, & par per omnia, esse debet, scientia directa, scientiæ reflexæ.

Alterum consequitur: utramque hanc *Simul* scientiam & Naturâ, & Tempore, *simul natura esse.* Naturâ enim prius est; quod potest & tempore. esse sine altero, alterum verò sine illo esse non potest: quæ autem sunt *Relativa ad invicem*; non possunt esse sine altero. Scientiæ verò dictæ, sunt relativæ; Ergo non possunt esse, una sine altera. *Ergo simul sunt Naturâ: Tempore* deinde erunt simul: nam ut primum quispiam scit; statim, & simul, scit se scire: *Ergo utraque scientia, erit simul, & naturâ, & tempore.*

Tertiò: quoniam ostensum evidenter *Originis* est; scientiæ directæ, scientiam reflexam, *tantum* consequentem omnino esse: atque adeo ab *prioritate* illa velut suo principio prodire: & (quod *tem habent.* infertur) secundam, ab illâ esse: deductum verò etiam; prioritatem nihilominus naturæ, & temporis; nullam inter utramque inveniri: sequitur: origine tantum scientiam directam, primam esse: Reflexam verò, conjunctione ac communicatione *Sed hinc* ejus, alteram. Sed cum ibidem demon- *nulla imparitas,* stratum sit: utramque similem omnino paremquè inter se esse: ideo evidenter constabit, originatione hac, nullam illarum dissimilitudinem, nullamquè imparitatem effici. Etsi enim una ab altera originem habet: tamen ubi Origo, & derivatio,



*Quod cō-* tio, ita sunt juncta sibi, ut altera primæ,  
*probatur.* non sit accidens; sed natura, & ipsummet  
 esse: ibi Ordo erit inter sese consequentia:  
 inæqualitas verò, imparitas, prioritas, na-  
 turæ aut temporis, nulla erit. Atqui, ex  
 dictis facilè patet: scientias Directam &  
 Reflexam, eo modo conjunctas esse:  
 nempe necessariâ consecutione, & ipsâ na-  
 turâ: ideo *Ordinem habebunt*, & nihilomi-  
 nus, undiquaque pares sibi erunt.

*Ostendi-* Hæ sunt notiones, quæ ex consideratio-  
*tur creata* ne scientiæ creatæ, verè deducuntur. Cæ-  
*scientia,* terùm, quòd *scientia creata*, longè inferior  
*impar in-* sit scientiâ Divinâ; etsi per se est evidens  
*creata.* ac manifestum; tamen ad pleniorum eor-  
 rum, quæ dicuntur, notitiam, non abs-  
 re, erit, cur sit inferior; causam propo-  
 nere. Quæ in hoc potissimum sita est:  
 quòd *Creata Natura*, nesciat suum esse: scire  
 enim rem aliquam, est eam mente videre:  
*ut autem seipsum oculus corporis non intuetur;*  
 idquè ideo; quia sibi non opponitur; ita &  
 mens *Creata*, non potest habere, sui ip-  
 sius, objectum terminatum: *alioqui cogni-*  
*tio, illi esset, ipsa ejus Essentia.* Cùm autem  
 Scientia Naturæ Creatæ, non sit ejus essen-  
 tia; (ut patebit infra,) ideo non habet  
 scientiam, sui esse.

*Nec pro-* Deinde; quomodo se scire, poterit, esse  
*priè est,* Creatum; cùm vix sit, & vix existat? Nun-  
*existitque.* quam stat in suo esse: sed semper, (ut inquit  
 D. Au-



D. Augustinus ) *desinit esse, quod erat: & incipit esse, quod non erat: atque adeo propriè non existit. Imo propriè non est: Quidquid enim, ex eo, quod non erat, ortum; non cessat tendere in id quod erit: *linquens semper quod jam fuit.* Hoc, (ait Bernardus) *transitum sanè habet per Est: sed propriè non est: quia nunquam in eodem statu permanet. Si autem verè non est; quomodo sciet verè suum esse? Tertio: esse ejus, est ab alio; ideoque alienum: & ipsi soli notum, qui dedit.**

*Denique ab alio est.*

Hisce de causis, imo præter omnes hasce causas, certum est: inferiorem infinita ratione, esse Scientiam Creatam Scientiâ Divinâ: ideoque memoratas dotes, vix, vel certè imperfectè retinere & exercere.

Ex his verò, quæ de Scientiâ Creatâ dicta sunt; facile est gradum ad Divinam promovere: ac struere. Dotes enim quæ ostensæ sunt; inesse debere Scientiæ Creatæ; insunt verè, propriè, ac perfectè, Naturæ Increatæ. Insunt inquam, sed longè excellentiùs præstantiusque. præsertim discrimine; quòd Naturæ Creatæ scire, ut dixi, *disiunctum ac disparatum sit; ab ejus esse: non est enim ejus Substantia, sed accidens: unde non est illi, sicut Deo consubstantiale & còessentiale: sed est agentis actio ad extra. Ideoque actionis solum Naturam expendimus; cùm scire*

*Naturæ Increate perfectior scientia ideo.*

*Quia idem est illi scire, quod esse.*

crea-



*Idem Deus quod sciens.* creatum consideravimus. In Deo verò, simul & junctim, Natura seu Essentia ejus, & scire ejus considerandum est. Etenim in Deo idem est agere quod esse: nam, si actio ei accidens esset; compositus esset: id verò, cum absurdum sit omnino Divinitati; ideo, id ei est actio, quod essentia: id scire, quod esse. Atque ita hoc idemquè est Deus, quod est sciens.

*Solus scit.* Sciens hic, quia verè solus est; ideo solus se scit. Et hoc ipso, quod se scit; totum quod scire potest, scit: non, inquam, se aliquid majus; nequè id tantum, quod ipso inferius: nam si sciret, aliquid se majus; illud majus Deus esset, ipse verò, Deus non esset. Si verò id tantum sciret, quod ipso minus est; imperfectam valde haberet Scientiam: etenim seipsum nesciret. Consequitur itaque: ut Deus, & nihil se majus, & non tantum inferiora se sciat; *Id est, scit sed seipsum sciat, quod est.* Est autem ille suum esse. solus: ideo & solus, scit se esse: id est: propriè, & consummatè scit se scire: seu scit suum scire; seu (quod idem est) scit suum esse. in Deo namque, idem est scire, quod esse.

*Hæc scientia ei æqualis.* Hæc Scientia sui; quia Scienti est recipere consequens; ideo est relativa. Similis quoquè, & par per omnia: quia sciens id scit, quod est. Unde non modò similitudo & paritas, sed eadem erit Entitas



tas Scientis, & scientiæ suæ. Naturâ præ-  
 tera, & tempore sciens simul est & scire  
 suum: seu Dicens, & Verbum. Dum  
 autem simul sunt Naturâ & tempore, nulla  
 intercedit prioritas conditionis, etiam ex rati-  
 one principii: nam semper, in principio, erat  
 Verbum.

Simul  
 naturâ  
 & tem-  
 pore.

Origine ergo tantum, scire à sciente, Ver-  
 bum à Dicente; Verum ab Uno, alterum erit.  
 Alterum propriè: non verò aliud: eadem  
 est enim Entitas, seu Esse utriusquè. Se-  
 cundum, inquam est, non verò propriè  
 posterius aut inferius: Originatio enim hîc,  
 ordinem tantum facit, non verò differentiam  
 æqualitatis. Nam, collocatio, & nume-  
 ratio, in recensendo, quam requirit Rela-  
 tio, non adfert disparitatem: ut primum se-  
 cundo, excellentius faciat; sed ordinem  
 constituit, Relationis æquiparatæ: Natu-  
 ræ dignitatem non immutans: præsertim,  
 cum Communis eadem, & una est.

Origine  
 tantum  
 altera.  
 Origina-  
 tio non  
 adfert  
 impari-  
 tatem.

Sed quia, Scientia Naturæ Creatæ, est  
 mutabilis; sicut & Natura: quæ illam pro-  
 ducit; & quod maximum, non est scientis non est  
 esse; sed actio; nec substantia ejus, sed ac-  
 cidens; est què velut imago in speculo, quæ  
 viventem hominem utcunquè repræsen-  
 tat, cum ipsa non vivat; ideo non est res  
 subsistens: nec; *ὑποστασις* suam habet: Scien-  
 tia verò Dei, quia est immutabilis, una  
 semper, similis, & par per omnia scienti,

Scientia  
 creatæ  
 subsistens.  
 Increatæ  
 Subsistens.



Viventis viva imago, & coæterna, *coessentialis, consubstantialis*; ideo subsistit: & extat; existitquè semper. Est nempe Deo

*Et Alterum I-* *oppositus suis terminus*: cognitione pro-  
*dem.* ductus: &, ut propriè dicam; *Idem Alter-*  
*rum*: Idem, non multiplicatâ, *non par-*  
*titâ, sed eâdem unitate Essentiæ*: Alterum  
verò, exigentiâ Relationis: nam scientis,  
ad scire suum relatio est: (uti ostendi:)  
Relatio verò est, ad alterum.

*Alterum* Porro, Alterum hoc, quòd sit *ὁμοῶς*  
*hoc facit* Deo; patet ex ante dictis. Si enim aliquid  
*Personâ.* in Deo esset, quod non, ejus Essentia &  
Substantia esset; aliquid non Divinum &  
externum Divinitati ineffet. Quod cum  
sit absurdum; ideo, *Alterum hoc, Substantia*  
*Dei est*: & est res verè subsistens: ita ut  
*possit, ut hæc, monstrari*: ideoquè facit Sub-  
stantiam terminatam: ac individuum: &  
quod consequitur, *Personam*. Intellectu-  
alis enim, terminata, & individua sub-  
stantia, Persona est.

*Persona* Persona hæc, verè & propriè dicitur  
*hac est,* *Filius*: idquè ideo, *quia generatione procedit.*  
*Filius,* *Si enim Personæ istius non esset aut efficientia*  
*quia ge-* *ejus, aut Creatio*: (processionem namquè exci-  
*nita.* *pio: quæ Spiritui Sancto propria, à genera-*  
*Non* *tione quomodo differat; paulò post di-*  
*facta.* *cam:)* quod verò efficitur, *ex alio est*; quod  
*Non cre-* *creatur, ex nihilo est*: atquè ita neutrum ex  
*ata;* *Substantiâ efficientis, & Creantis*: id autem;  
pro-



productioni Divinæ, inconveniens prorsus, & absurdum esse; ex his, quæ dicta sunt, patet evidenter. Est ergo generatio hæc <sup>Generatio- nis propri- etatens</sup> vera: præsertim cum exactè, unicè, & <sup>implens.</sup> sola, generationis proprietates retineat: impleatquè.

Cum enim, sit ea generationis prima <sup>Est enim</sup> proprietas; ut sit <sup>vivens ex</sup> *viventis à vivente*; Deus, <sup>vivente.</sup> qui Vita est, non potest producere, nisi Vitam. Deinde: cum altera proprietas sit; <sup>Est ex ge-</sup> *ex generantis substantiâ*; Generatio Divina, <sup>nerantis</sup> non participationem Substantiæ (ut crea- <sup>substan-</sup> *ta*;) habet cum suo principio; sed <sup>identia,</sup> *identitatem*: id est: non fluxum ejus; sectio- nem; partem; sed totius, ejusdemquè communicationem. Deniquè: cum ter- <sup>Est in fi-</sup> *tertium generationis requisitum sit ut in simi-* <sup>mitudi-</sup> *litudinem producat sui principii*, in genera- <sup>nem prin-</sup> *tione Verbi, id consummatissimè imple-* <sup>cipit.</sup> *tur: quod mentis, à qua generatur, est ima-* *go, perfectissimæ similitudinis.* Deus nempe, (inquit Augustinus:) genuit quod est: qui cæteris dedit gignere, in similitudinem ejus, quod sunt. Est itaque sciens, & scire suum: Dicens & Verbum: Unum & Ve- <sup>Ergo Fili-</sup> *rum: idem quod Pater, & Filius.* Quæ <sup>us Patri.</sup> nomina postrema, toties in Scripturis, verè, & propriâ significatione repetuntur.

Propriâ significatione, inquam. Nam <sup>Paterni-</sup> *Paternitas vera in cælo, seu Deo tantum* <sup>tas vera</sup> *est: & quod consequitur; Filiatio (ut sic* <sup>in calo</sup> *dicam tantum.*



dicam) vera. Homines enim; & patres, respectu filiorum sunt: & filii, respectu patrum: at *in Divinitate tantum, nunquam Pater Filius, & nunquam Filius Pater.* Deinde; cum sint Deo filii, quos suâ gratiâ effecit; necesse; ut sit & Filius, quem suâ Naturâ genuit: Nam imitatio, oportet ut habeat suum exemplar, & archetypum: Imitatio autem veræ generationis, est adoptio. Ergo si est, ut ita dicam, Filiatio adoptiva, est & Naturalis.

*Ad processionem. S. Spiritus transitus.* Sic generatione Filii deductâ: Processionem quoque à Patre & Filio, Spiritus Sancti, iterum videamus. Sed non sine debitâ ejus invocatione. Veni ergo S. Spiritus, mentes nostras visita, & te nobis aperit: Nam sine tuo lumine, nihil est in homine.

*Ensi.* Patet ex his, quæ hæcenus dicta sunt; quòd Divinitas, & Est; & scit suum esse: seu Est τὸ ὄν: unum: & Verum: Esse enim, est Unum esse: se scire, est Verum esse. Ostensum id, inquam, & pro captu mentis humanæ demonstratum, hæc quæ sequitur anacephalæosi. Primò: Quòd *in Deo, idem est esse, quod scire.* Secundò: Quòd *solus Deus se scit.* Tertiò: Quòd *hæc scientia, sit consequens reciprocè.* Quartò: Quòd *sit relativâ.* Quintò: Quòd *sit cum suo principio simul naturâ & tempore.* Sextò: Quòd *Originis tantum ordinem habeat: sed sine imparitate.* Septimò: Quòd *subsistat: & suam hypo-*

*Recapitulatio dictorum, de generatione Filii.*



*hypostasim habeat. Octavò: Quòd sit Persona.*

Nonò: *Quòd sit Filius.* Hoc totum inquam, supra deductum fat esse, puto; *Omnia hæc convenisse Spir. S. demonstrabitur.* eadem omnia tertiæ, τὸ ὄντος convenire hypostasi: seu Bono: seu Amori: id est Spiritui Sancto: præter unum ultimum: nempe, quod non fit, & cur non fit, Filius: sed *Spiritus, ab utroque, nempe à Patre & Filio, non genitus, sed procedens.* Et hoc mihi demonstrandum propono. *Præter unum quòd non sit Filius.*

Quod ut iisdem gradibus deducā; quibus ad secundam deveni hypostasim, ita ordiar.

*Amor Creatæ naturæ, ut sit perfectus, duplex esse deberet. Primus; quo amamus simpliciter: id est, in rem amatam propendimus: ferimur: eamquæprehendimus: qui vocatur Directus: Altero; quo amatæ rei compotes facti, eâ gaudemus: oblectamur: fruimur: & in fruitione conquiescimus: id est, amamus hoc nostrum amare: qui amor, est Reflexus.* *Amor creatus directus & Reflexus.*

Hunc utrumque amorem, se consequi; & ad se mutuò referri, evidens est: nemo enim amat, nisi gaudeat, seu, amet se amare. Unde patet *consecutio.* Deinde si amat; gaudet eo amore: & si amore gaudet; amat. Unde *Relatio.* Uterque ergo amor, & se consequens, & relativus mutuò erit. *Sese consequens & mutuò relativus.*

Hoc concesso: adfateri necesse est, utrumque hunc *Amorem*, parem sibi esse: *Uterque par & simul natus.*



turâ & simul naturâ, & tempore esse: Origine tan-  
tempore, tum, alterum, à primo prodire: nullam  
tamen exinde, imparitatem effici. Cuncta  
enim hæc, cùm Scientiæ Directæ ac Re-  
flexæ infint; ut evidenter demonstratum  
est, Amori itidem Directo ac Reflexo,  
inerunt necessariò.

Non minùs & istud consequitur: quòd  
Amor Creatus, Amori Divino, nullo mo-  
do æquiparandus sit: *Amor enim creatus,*  
*non debet esse, ad se: nam creatura per se, non*  
*est: ideo & bona per se, non est: ideo amare*  
*se, ut se; nisi perperam, & pravè non*  
*potest: Amaret enim non bonum, quod*  
*est contra naturam amoris: Ideoque in*  
*φιλαυτον επιτιμουσιν* laboretur: *nec Amor hic,*  
*sed concupiscentia esset.*

Iam verò, ut ex consideratione Amo-  
ris Creati, ad Increatum ascendamus: Im-  
primis agnoscendum est: dotes Amoris  
Creati recensitas; hoc differre ab increa-  
tâ naturâ, quod Amor Creatus, sit actio ad  
extra. Divinus verò, sit ipsummet suum esse:  
nam Deo idem est amare, quod esse. Et  
idem est Deus, quod amans.

Amans hic, quia solus verè est, ideo & so-  
lus bonus est, seu solus bonum est: ideoque; &  
solus, non potest non se amare, & solus se amat  
meritò. Quòd non possit non se amare; pa-  
tet. quia boni proprietates est, amari: ipse ergo,  
cùm sit summum, totum, solumquè bo-  
num



num; se summè amet, necesse est. *Ab alio enim, summè, & adæquatè amari, non potest.* <sup>Et meritò.</sup> Privaretur itaque summum bonum debito sibi amore; *si à se non amaretur.* Quòd verò id meritò faciat, patet etiam: *Non enim potest amare, se aliquid melius, perfectiusquè; quia istud melius perfectiusquè Deus esset: ipse verò Deus non esset.* *Non potest etiam amare se quid imperfectius: quia contra Naturam, veri amoris est, imperfectum amare: quod enim est imperfectum, bonum non est.* Si itaque imperfectum amaret, non bonum amaret. *Quod Creaturò Creaturam, dicitur amare; id facit propter se: dum verò amat propter se; eo ipso, verè, & propriè, amat tantum se.*

Hic Increatus Amor sui, amanti est reciprochè consequens, ac Relativus: Nam *id amat, quod est: & id est; quod amat.* <sup>Increati amoris dotes eademque scientiæ</sup> Similis, quoquè & par per omnia: quia *nec amplius, nec minus seipso amat.* <sup>increate.</sup> *Naturâ demum & tempore simul, quia ut est; statim se amat.*

Origine ergo tantùm *Amans & Amor,* ordinem habet; sed ita, ut ordo hic, in Naturâ eâdem non faciat *imparitatem ullam.* <sup>Quod ostenditur.</sup>

Ordinis hujus terminus, quia est *Essentia ipsa Divina; ideo Deo est coessentialis: & consubstantialis; subsistitquè: & extat: Nempe fruitione resultans, alterum idem: Idem, non multiplicatâ, sed eâdem entitate: Alterum, exigentiâ Relationis: Est enim*



Amantis ad Amare suum Relatio; Relatio verò est ad Alterum.

*Alterum hoc, est persona.* *Alterum hoc; quia totam plenitudinem habet substantiæ Divinæ, ideo res est ita existans, ut possit monstrari ut hæc. Ideoque facit Personam.*

*Persona hæc non est Filius.* Persona hæc non potest dici Filius: quia non generatione sed processione est. Et si enim habet processio ista, hanc proprietatem generationis, quòd fit *vivens ex vivente*; alteramquè, quòd fit *ex substantiâ*; attamen tertiam, nempe similitudinem, non ex *vi suæ productionis* habet, sed ex *vi consubstan-*

*Quia non habet similitudinem ex vi suæ productionis.* *Voluntas non refertur ad imaginem, sed ei unit.* *Quia non habet similitudinem ex vi suæ productionis.* *Voluntas non refertur ad imaginem, sed ei unit.* *Voluntas Bonum pro objecto est; non in id Naturâ suâ fertur, ut repræsentet; sed ut uniat: potitur: fruaturquè.* Cùm itaque, voluntatis non fit hic finis, ut producat sibi simile, ideo non potest ejus dici generatio. Atque ita (quod demonstrandum sumpsit;) Spiritus Sanctus non est genitus: & non est Filius.

*Objicitur quod non uniantur nisi similia.* Sed objici potest. Quòd, Amoris proprium est unire; non uniuntur autem, nisi similia. Ergo necesse est, ut Amor dum vult unire, feratur in simile: atquè ita in similitudinem producat: seu generet.

Re-



Respondendum huic objectioni : Ve-  
 rum quidem esse : quòd Amor uniat : & <sup>deur,</sup>  
 quòd nequeant uniri nisi similia ; sed ex <sup>quod a-</sup>  
 hoc non sequitur ; quod Amans sibi simile <sup>mor se</sup>  
 producat : sed potiùs, quòd conetur, studio <sup>mutat in</sup>  
 Unitionis, se in id quod appetit transmu-  
 tare, & se similem rei Amatæ efficere. <sup>In-</sup> <sup>Intelle-</sup>  
<sup>tellectus</sup> non transit in rem intellectam, sed <sup>ctus poti-</sup>  
 potiùs eam sibi conformem similemquè <sup>us rem</sup>  
 efficit. *Voluntas* verò seu Amor, id efficit <sup>intellectã</sup>  
<sup>citur, quod amat.</sup> Unde qui intelligit, quid <sup>sibi simi-</sup>  
 sit probum esse, non statim probus fit: qui <sup>lem efficit</sup>  
 autem vult esse probus ; quod verè vult,  
 est. Exinde verò patet : quòd cùm gene-  
 ratio sit ; sibi simile alterum producere ; <sup>Unde e-</sup>  
 non verò, se in alterius similitudinem con- <sup>ius est ge-</sup>  
 vertere ; ideo, intellectus generatio, pro- <sup>neratio.</sup>  
 priè dici potest, non potest voluntatis. <sup>I-</sup> <sup>Volunta-</sup>  
 taquè *Persona quam voluntas producit, non* <sup>tis non est.</sup>  
*est Filius: quia non generatione procedit. Nullo*  
*etiam modo, Efficientiâ aut Creatione: quia* <sup>Nec effi-</sup>  
 (ut supra dixi;) quod efficitur, ex alio <sup>cientia.</sup>  
 est: quod Creatur, ex nihilo est: neutrum, <sup>Nec cre-</sup>  
 ex substantiâ Divinâ. Atqui consubstan- <sup>atio</sup>  
 tialem esse, Personam tertiam Divinitati,  
 supra demonstratum est : ideo nec Effici-  
 entiâ, nec Creatione producitur.

Videndum jam ergo est, quid sit tan- <sup>Ostendi-</sup>  
 dem, hæc Productio, & quem Ordinem <sup>tur ejus</sup>  
 Originis habeat ; quod ut deducam ; Hoc <sup>productio</sup>  
 imprimis est ; Notandum. Eorum, quæ  
 I 5 ad



Referuntur ad se referuntur, tria esse genera. Primum  
 tur ad se *Equiparantiae*: ut vocant: ubi est Relato-  
 equipa- rum paritas: ut *amici ad amicum*. Disqui-  
 rata, ut parantiae alterum: ubi eorum disparitas: ut  
 amici. *Domini ad servum*. Tertium adhuc genus  
 Disqui- est; *Naturale*: insitum: necessariò conse-  
 parata, ut quens: in quo Originis ordo est, sed inæ-  
 servus & qualitas nulla est. Hujus postremi generis,  
 Dominus. in Naturâ Creatâ, exemplar maximè per-  
 Se conse- fectum, ego censeo; in potentiis, seu facul-  
 sequentia, tatibus animæ: *Memoriâ, Intellectu, Volun-*  
 Quorum tate. A *Memoriâ* etenim; quam ego, vi-  
 exemplar tionem animæ, in uno fixam voco; oritur  
 in tribus *Agnitio Veri: quæ Intellectus est: ab utroque*  
 anima *autem Amor: seu fruitio boni: quæ est Natura*  
 potentiis. *voluntatis*. Etsi verò tres istæ facultates,  
 talem Ordinem Originis habent; attamen  
 inter se pares & similes sunt: ideo quia  
 sibi consubstantiales, & in unitate Natu-  
 ræ sunt.

Multò autem, imò infinite perfectius, id  
 Multo totum *Divinitati inest*. Verum, inquam,  
 magis Naturalem, immutabilem, *Originis ordinem*  
 hæc con- habet. Ostensum enim est, à Patre, ut  
 sequentia. principio, Filium procedere, & oriri.  
 ordinis, Origo autem & Principium, *Ordinem ideo*  
 est in Di- facit, quia non potest, mutuo & vicissim reci-  
 vinitate. proari Unde rectè voco, *Cæsaris imaginem:*  
 Origo non reciproca- non rectè vero, *Imaginis Cæsarem*. Sic à Pa-  
 reciprocatur. tre *Filius, non Pater à Filio*. Est ergo in Di-  
 vinitate Originis ordo.

Qualis



Qualis autem? Ille certè, quem formu-  
 la baptismi, id est, tessera fidei nostræ, ostendit: ac comprobat. Dum (ut ait Ba-  
 filius) Oportet nos baptizari, prout accepimus; credere verò, prout baptizamur:  
 Nempe, in Nomine Patris, & Filii, & Spiritus Sancti. Sub his tribus (inquit Ter-  
 tullianus) & testatio Fidei, & sponsio sa-  
 lutis, pignoratur.

Hic ordo est Naturalis, & insitus: Scrip-  
 tum enim est: quòd *quidquid habet Pater, Quod*  
*dederit Filio: & Filius dicit: quòd Spiritus*  
*de suo accipiat.* Additquè Omnia quæ ha-  
 bet Pater, mea sunt: propterea dixi, de  
 meo accipit. Ex his inquam verbis patet.  
 Et communicata à Patre omnia esse Filio:  
 quæ servato Ordine Originis, & salvâ Pa-  
 ternitate, communicari poterant: Et ab  
 eodem, simul cum Filio, itidem commu-  
 nicata, Spiritui Sancto.

Nempe Amorem Directum (ut supra  
 ostensum est:) habet Pater: & quia omnia  
 quæ Ordini Originis, non repugnant dat  
 filio, ideo datei eundem Amorem Dire-  
 ctum. Dum verò uterquè etiam habet eundem  
 Amorem Directum; uterquè etiam habet eun-  
 dem Amorem Reflexum: id est Spiritum San-  
 ctum: ab utroque, sed junctim, & ut ab uno  
 principio procedentem, seu spiratum: Non  
 enim participatio est hîc, sed communio ejusdem  
 Naturæ. Et ideo rectè vocatur Processio:

*Ordo in-  
 Divinus  
 est, Pa-  
 tris. Fi-  
 lii, &  
 Spiritus  
 sancti.*

*Quod  
 verbis  
 scriptura  
 prabatur.*

*Amorem  
 directum  
 dat Pater  
 Filio.*

*Ex uno  
 duorum  
 amore  
 directo,  
 procedit  
 unus u-  
 triusquè*

*Amor  
 reflexus:  
 qui est  
 Spiritus  
 quia Sanctus.*



*Nec ultra procedit divinitas.* quia à duobus, eâdem amborum emanatione, est. *Quæ emanatio in tertio subsistit: nec tendere ultra potest. Quia cum est Deus; cum se scit esse; & cum se amat esse; hoc ipso; tota inclusa in se, se habens, sequè fruens, est Divinitas.* Et omnia Patris habet Filius: & Patris Filiiquè omnia, Spiritus S.

*Varia imagines Personarum Trinitatis.* Hæc fere sunt, quæ mihi de Trinitate dicenda proposui. Cæterùm varias similitudines è rebus Creatis, Sacrà Scripturâ, & ex illâ, Ecclesia deducere solet, Personarum Sanctissimæ Triadis: quas Patres Sancti explicant, comparantquè: quin imo

*Earumquè exempla.*

suas quandoquè addunt. Unde Filius; lux vera, lumen de lumine, splendor, speculum, imago Patris: Spiritus Sanctus, spiratio, Halitus, odor, unguentum, Sigillum, Digitus, passim vocatur: sed in omnibus istis, semper aliquid dispar sit, necesse est: Creatæ enim non possunt aliter, id quod increatum est, referre: nisi imperfectâ imagine. Hæc præfatus; audebone & ego aliquam Trinitatis moliri similitudinem? Audebo; cùm, ut dixi, habeam; qui præivere exemplo. Ducam itaque in clausulâ hujus loci, tenues quasdam tanti Mysterii lineas, ex Trianguli consideratione, ac Formâ.

*A nobis proponitur ex formâ Trianguli.*

*Fluxus puncti si linea recta.*

Punctum, fluxu suo facit lineam, estquè ejus Principium: Linea verò dum directè tendit, à puncto in punctum; recta dicitur.

tur.



tur. Sed Linea recta, non ambit, non amplectitur, ut contineat includatque: quia tantum in directum fertur. Si verò <sup>Qua ut</sup> supponamus, quòd recta hæc <sup>ambiat,</sup> linea velit <sup>complecti,</sup> ac continere; necesse illi foret, <sup>figuram Rectilineam</sup> querere; & assumere.

Nullam autem dubio procul, citius potiusque sumeret; quam <sup>Triangulum.</sup> Triangulum namque inter Rectilineas, primum est: ideoque figuram appetenti, statim obvium. Deinde; omnium figurarum simplicissimum: facillimumque: Nam ex utroque puncto, fluxu Lineæ in unum definit: & concursu laterum efficitur, & seipsum quodam modo definit. <sup>Quadrangulum</sup> verò non concurrat: non se claudit: non à se definitur: sed ab externa & quarta Linea: ideoque magis est compositum, & difficilius. Multò verò magis alia Poligona. Linea ergo recta, prout dixi; non aliam figuram, citius potiusque appeteret; quàm Triangulum.

Illud autem non modo <sup>Æquicrurum,</sup> sed <sup>Appetet</sup> etiam <sup>Æquilaterum.</sup> Et <sup>Æquicrurum</sup> qui- dem ideo; quia æqualiter utrinque flueret, donec conveniret. Deinde; quia tum demum, par utriusque lateris (ut ita dicam;) via esset, ad se quantocius unendum: contra quàm in Scaleno, ubi inæqualia latera, inæqualiter concurrerent: <sup>Æquilaterum</sup> verò ideo; quia Linea, mo-



dum laterum Trianguli, naturaliter electura videretur ad mensuram sui. Deinde; quia inter latera, non aliter de conjunctione, certius convenire posset, quam si eam sumeret rationem, quæ una semper est, & invariabilis: ea verò in Æquilatero Triangulo tantum est: Nam Isoscelum potest esse multiplex: Æquilateri verò modus unus tantum, & immutabilis.

*Quia invariabile*

*Hæc Trinitati aptantur.*

*Pater principium. Unum à se ens.*

*Verum. Visione directâ fertur in unum.*

*Efficitq; rectam.*

*Æterna hæc linea quia re-cta; non includit.*

*Appetit autem includere.*

Sic deductâ Trianguli Naturâ, aptemus eam Divinitati: mancâ equidem similitudine; sed si benè expenderis, profectò inter illas quæ adferri solent, non postrema.

Cogito itaque αὐτὸ τὸ εἶν ὄν nempe Deum Patrem & Principium, Naturâ ferri & tendere directè; in terminum agnitionis, sui, seu ad τ' ἀληθείας. Directè inquam; Nam id fit visione, quæ non potest esse, nisi recta. Est igitur hæc quædam recta Divinitatis Linea: terminos oppositos habens; sed ita; ut quod in linea creata est, à puncto ad punctum, directâ protensio; id in increata sit, unus termini, ad alterum Naturæ ejusdem, iidem directâ communicatio.

Hæc æterna & recta Linea, dum ex vi Naturæ suæ, in directum est; non amplectitur, non ambit, non continet. Divinitatis autem Natura, necesse est, ut se plenè habeat, definiat, includatquè: & quodammodo figuram appetat: id est; in tertio terminetur, claudaturq;. Nempe ab utroquè termino à Patre



à Patre & Filio, seu ab Uno, & Vero, ejusdem Substantiæ Processione, velut communis Linæ fluxu, definit in τ' ἀγαθόν: completquè Sanctissimum hoc Patris, Filii, & Spiritus Sancti, Trigonum.

Non enim Quadratum, aut Poligonum: quia tunc, non se ipsam Divinitas clauderet: sed aliunde, & ab extra, Composita esset: & ut ita dicam; superflua.

Trigona itaque (fas fit dicere;) est. Atquè illudquè ut insistam similitudini; non Æquicrura modò, sed etiam Æquilatera: Etenim non duo tantùm latera, ob æqualem terminorum ad se conjungendum vim habet; sed tria, omnino paria inter se: imò & eadem prorsus. Nempe; sicut, si in uno Triangulo, sint duo ejus latera, radii ejusdem periferiæ; deinde, duo iterum ejusdem latera, itidem sint ejusdem periferiæ radii, dum duo, tertio conveniunt, pariaque sunt; & inter se quoquè conveniant, pariaquè sint, necessè est. Sic, quia eadem Substantia (velut periferia) est Patris & Filii; eademquè; etiam Patris & Spiritus Sancti; ideo consubstantiales, id est pares inter se, & æquales sunt: Pater, & Filius, & Spiritus S.

Quod verò de Triangulo Creato dixi; quod eum Linea ad mensuram sui productura videretur; Id. Naturâ ipsâ, Divinitati infitum necessariò est: ut æquales per omnia, & pares Personas, velut latera, producat.

Ideoquè  
in Trigonum.  
Bonum.

(Non veni-  
rò qua-  
dratum)  
formatur.

Æqui-  
crurum  
& Æ-  
quilate-  
rum.

Quod de-  
monstra-  
tur, Geo-  
metricè.

Ad men-  
suram sui  
est.



*Et inva-  
riabilis.* cat. Cùm ut Trianguli æquilateri, ita & hu-  
jus productionis, certissima, invariabilis, &  
unica tantùm, hæc Forma est; ut sit ad  
mensuram sui, per omnia par, & æqualis.

*Ex ea-  
dem ima-  
gine patet  
Ordo Ori-  
ginis.* Ex eadem similitudine, monstrari eti-  
am potest, Ordo Originis in Divinitate.  
Cùm ut à fluxu puncti, Linea; sic à gene-  
ratione Patris, Filius. Sicut autem à fluxu  
Lineæ, junctæ duobus terminis, procedit  
tertius terminus Trianguli; sic à Patre, Fi-  
lioquè velut ab uno conjunctoquè princi-  
pio, Spiritus Sanctus.

*Sed ab  
hac simi-  
litudine  
secernen-  
da imper-  
fecta.* Hæc est similitudo, à me, non pror-  
fus, puto, ineptè prolata; ita tamen, ut ab  
eâ, id quod rebus creatis imperfecti adhæ-  
ret; *semper, secernamus: separemusquè: Nem-  
pe protensionem: fluxum: spatium: composi-  
tionem: aliaquè hujusmodi, quæ indivisibili,  
& simplicissima Naturæ, nullo modo conve-  
niunt.*

*Conatus  
ultra  
scrutandi  
reprimi-  
tur.* Sed quid ego, & quousque ista? quid,  
inquam, vel digito tangere, vel palmo  
metiri cœlum, vel certè mare in scrobem  
satago effundere? Desino: nec irritò cona-  
tu, fatigo ultra mentem, tantæ imparem  
Majestati: quæ fide & silentio adoranda est.

*Et debita  
adoratio-  
ne locus  
claudi-  
tur.* Adoro te ergo toto animo Trinominis  
Divinitas: & quia posuisti, tenebras, latibu-  
lum tuum; in adita tua absconsa, & tibi soli  
nota, non ultra penetro. Sed cum Sanctis,  
qui tibi assistunt, faciem velo: & oculos  
men-



mentis meæ, debiles ad hunc solem, obtego: & unâ, cum loco hoc, claudio.

PARS CAPITIS ALTERA.

*Ut erga nos, est Deus. Ubi, Creationis primùm, & post Missionis ad nos Divinarum Personarum, ineffabile beneficium expenditur: ex quo manarunt Triplicia dona, Naturæ, Gratiæ, & Gloriæ.*

**A**pparet evidenter ex superiori Tractatione, Deum unum Naturâ & trinum Deus ipse Personis sibi abundè sufficientem esse: nullius sibi suffi- rei, quæ extra illum est, indigum: ante cit. omnem Creaturam æquè beatum: & post illam Nec ullâ productam, nullâ re auctum. Nullius ergo creaturâ sui commodi causâ, esse voluit, & existere, eget. universum hoc: & se impertiri decrevit rebus creatis ideo tantùm; ut bene illis Produxit esset. Elucet verò, & eminent maximè & illam præcipuè, hæc omnipotens & omniscia quia bene bonitas, seu voluntas ejus, in Creatione ei voluit. Naturæ rationalis. Etsi enim cuncta quæ produxit; vidit, quod essent valde bona; Præcipuè ideoquè & bene omnia fecit; & omnibus rationa- benefecit; non tamen æquè illi Naturæ; lem. quæ se esse nescit: ut illi; quæ se esse, cum tot dotibus miratur, agnoscit, gaudet. Quæ solâ *Natura* verò hæc, *Angelorum* est, & *Homi-* se esse a- *num.* De Angelis non est nostri argumenti. gnoscit.

Homo



*Et agno- scere de- turæ, Gratia, & Gloria: pro modulo Scip- bot, tripli- cia, sibi data do- na.* Homo autem, quæ ab illo tulerit *bona, Na- turæ, Gratia, & Gloria:* pro modulo Scip- bot, tripli- cia, sibi data do- na. ti, paucis videamus: cum curâ tamen, & attentè: exinde enim manet cultus & amor, quo erga Deum, lege gratitudinis immensum tenemur.

## D O N A N A T U R Æ.

*In donis Naturæ.* O Rdiior meritò à *Donis Naturæ*, & O- rigine ipsâ nostri: quando prima hæc est gratia, primumquè Dei beneficium, quod nos voluerit esse, & existere. *Tria hic perpendam: statum nempe Naturæ nostræ: Deinde corpus: Postremò Animam.*

*Conditio- nem hu- manam.* Status seu Conditio humana, quod om- nibus quæ Deus, sex dierum spatio pro- duxit, antecellat; patet evidenter. Homi- nem etenim velut summam, & culmen operum, ultimò produxit. Præparatâ pri- mùm ornataquè mundi mansione, velut hospitem eum, imò Patrem familias, ac

*Quæ su- blimis & eximia.* Dominum in hanc Orbis machinam in- trodixit: Paradisi voluptatis, habitatorem illum fecit. Quæ ante eum facta sunt; ejus usui addixit: præesse ac dominari iussit omnibus: Compendium deniquè in illo, Naturæ Creatæ inclusit: Nam est corpus; ut Elementa: vivit; ut arbores: sentit; ut animalia: Ratione gaudet; ut Spiritus. Præterea *αὐτοῦ ἑστίον* eum fecit: id est sui, arbitrii: suæ spontis ac potestatis: ac deniq; *immortalitate dotavit.* Eximius itaque sta- tus



tus ejus est. Unde non malè hominem; par-  
vum mundum; Mundum; Magnum ho-  
minem vocavere: sed profectò superat hoc  
elogium: & Mundo visibili potior, & præ-  
stantior est.

Ad Statum autem tantæ dignitatis, ap- *Corpus est*  
tavit illi par corpus: aut potius (ut loquitur *par.*  
Scriptura) formavit. Nam *alia, jussu tan-* *A Deo*  
*tum & imperio, velut fudit productione: hoc velut ela-*  
*dum formasse dicitur; elaborasse videtur cum* *boratum;*  
diligentiâ, elegantiâ, venustate: idquè seor-  
sim ab animâ: & separatâ functione. De-  
inde, de aliis dixit, & facta sunt: hîc; *faci-*  
*amus:* ait: *quod consultationis est, & destinati*  
*cum cura operis:* ut nempe Dominus omni-  
um esse possit, qui propriè factus à Domi-  
no: inquit Tertullianus.

Refert verò ac repræsentat hanc curam,  
Opus ipsum: ejusquè forma, & statura ere- *Magnâ*  
cta; ad cœlum vergens: liberum nescio *venustate*  
quid spirans: speciem natam ad imperium,  
& dominationem præferens: contra quàm  
animalia cætera, quæ prona ad terram, sta-  
tum servilem, summissum, & ad humum  
humilem, abjectumquè habent.

Iam quæ aptitudo, quæ symmetria, quæ *Symme-*  
compositio membrorum? Nullum est quod *tria &*  
non & eximiæ necessitatis causam habeat, *aptitudo*  
& decoris. Vel folius certè manus, quæ ho- *membro-*  
mini tantùm data, varium usum, quis satis *rum.*  
explicet? Hæc est instrumentum omnium  
ope-



operum, quæcunquè mens humana vult moliri: hæc sustentationis ministra: hæc tutela vitæ; hæc experimentum virium humanarum: quibus regit ac domat se inferiora: hæc cultura artium: ac elegantiae omnis fabra & opifex: hæc denique est: cuius admiratio, nescio cui, ad testimonium Divinitatis suffecit.

*Sensuum organa.*

*Facultatum naturalis, vitalis, animalis, officinae.*

*Animæ præstantia.*

*In illâ imago divinitatis.*

Quid verò abdita illa corporis scruter? sensus nempe miri artificii organa: & præsertim oculorum, qui vigiles, velut in specula, constituti sunt animi indices: & mentis quidam prodromi. Quid facultatum; naturalis, (ut vocant;) vitalis, animalis, in hepate, corde, cerebro, administrandas officinas; quid sexcenta alia, nunquam satis cognita laudataquè? in quibus, nec pro modo Scripti, nec pro argumento sit, prolixa & diffusa dissertatio.

Ad Animam ergo potius transeo: ubi propria imago, & similitudo Dei, spectatur: ac elucet: ad quam, se fecisse hominem, Deus ipse professus est. Hanc similitudinem, variè proponunt Sancti Patres; sed inter illos, Ambrosius & Augustinus præcipuè; ad tres Divinitatis Personas, Memoriam, Intellectum, Voluntatem aptant: etsi non eo similitudinis modo; cuius ego aliquoties memini in hoc Scripto: & quem puto, ex adyto ipso Naturæ depromptum.

*Tres*



Tres enim hæ facultates, una anima sunt. Et in me-  
 Et quia insitæ ejus essentia; & naturales; <sup>moria, i</sup>  
 ideo cõessentialia, atq; adeo pares sunt: & <sup>tellectu,</sup>  
 Ordinem tantum, ut supra dixi, Originis <sup>volunta-</sup>  
 habent: eumq; talem. *Fixa Memoria in uno;* <sup>te.</sup>  
 (alioqui nisi in uno consisteret, non con-  
 staret sibi: & non Memoria una, sed phan-  
 tasma multiplex esset: ) *fixa inquam* <sup>Trinitatis speci-</sup>  
 in uno; Originem præbet considera- <sup>men.</sup>  
 tioni istius Unius: id est *Intellectum pro-*  
*ducit Veri: ex utroque autem Voluntas proce-*  
*dit: seu quies in Bono.* Quid enim aliud vi-  
 deat, noscat, appetatve Anima, quàm *Unum*  
*Verum, Bonum?* Deinde, quomodo plenè  
 videat noscat, appetatve, si non tota? quo-  
 modo autem tota, si non simul, & æquè per  
 Memoriam, Intellectum, Voluntatem

Patet itaque: hisce tribus, tres Perso- <sup>Exinde</sup>  
 nas, Unius Divinitatis repræsentari. Patet <sup>ad Divi-</sup>  
 Animam humanam, hac similitudinis <sup>nam</sup>  
 prærogativâ, ad Divinam assurgere Natu- <sup>assurgit</sup>  
 ram: ejusquè capacem debere fieri: ideo- <sup>naturam.</sup>  
 què meritò, tam amplis dotibus orna-  
 tam: dum nempe cogitatione, mente, affe-  
 ctu, momento uno, tot res adit: noscit:  
 amplectitur: & hoc ipso temporis, loci, <sup>Et in illâ</sup>  
 imo *universi metas excedit: sequè cunctis* <sup>conquie-</sup>  
 rebus majorem ostendit: nec posse ab ullâ <sup>scit</sup>  
 earum contineri; *nec in ullâ nisi in solo Deo,*  
*plenè conquiescere; aperte testatur.*

Ultra hoc, nihil est quod addam, præ-  
 ter



*Sic ornata videtur; ob futuram Incarnationem,* ter unum: nempe, non mirum tot, & tantis ornata, in primo Parente dotibus, esse humanam Naturam: quæ in consortium Divinitatis, & unionem Personæ, assumpta à Christo, & cælo illata esse debuit: ut statim ostendam.

## D O N A G R A T I Æ.

*Non contentus Deus homini dedisse, quæ extra ipsum.* Per Missionem Divinarum Personarum.

*Seipsum dedit.* **M**AGNUM itaque & vastum profectò est, quòd in Naturæ donis, humano generi impertiit Deus: & si spectas conditionem nostram; abundè: sat: superque: sed si ejus bonitatem, & beneficentiam; parum. Infinitum enim bonum, haud potuit beneficam suam vim explere, largitione eorum, quæ extra illud sunt. Itaque ut satisfaceret bonitati suæ, se dedit.

*Votum: ut ex merito expendetur.*

Utinam verò genus humanum, non ut solet, sed ut par est, expendat: quid hoc, quantumque est; quod Deus, in ejus bonum est molitus, cum in terra visus, & cum hominibus conversatus est: & habitavit in nobis: & vidimus gloriam ejus: nempe Deum manifestatum in carne: qui visitavit nos Oriens ex alto: Missionem hanc, inquam, primam; quæ est per σαρκοπρόσιτον λόγον: seu per Verbum carnem factum: Alteram deinde; quæ per adventum, Paraclæti Spiritus Sancti, agnoscamus; & ab utroque mare immensum

*Missio Filii.*

*Missio Spiritus Sancti.*



sum gratiæ Divinæ expendamus.

Quod ut probè fiat; imprimis quid sit in Divinis *Missio*; necessarium est noscere. *Utraque non est de loco mi-*  
*gratio.* Non enim est, ne quis erret, de loco in *gratio.*  
 locum *migratio*: (hoc enim Deo, qui ubi-  
 que est, non convenit;) sed est ejusdem  
 semper, immoti, & immutabilis Dei,  
 facta hominibus in tempore, sui *manife-*  
*statio*. Id ergo est *Missus*, quod *visus*: id *Sed ap-*  
*Missio*, quod *apparitio*. *paritio.*

Porro temporalis hujus *Missionis* ratio, *Modus*  
 & modus, manat ex origine, ac Procef- *Missionis*  
 sione illâ æternâ, quam, cùm de Trini- *manat,*  
 tate agerem, deduxi.

Sicut enim Pater genuit, & Filius ge-  
 nitus est; ita Pater mittit, & Filius missus  
 est: & sicut à Patre Filioquè procedit Spi-  
 ritus Sanctus; ita ab utroque *Missus* est. *Ex gene-*  
 Interim, hæc *Missio*, non est (inquit Di- *ratione,*  
 vus Augustinus) *inequalitas substantiæ*: & proces- *sione, æ-*  
*sed ordo Naturæ*: quamvis enim utraque *ternâ.*  
 Persona, se nobis manifestavit; utraque  
 tamen immota mansit, in una cum Patre  
 Divinitate & essentia.

Hujus *Missionis* in Christo, Oecono- *Oecono-*  
 miam seu modum, dispositionemquè, *mia In-*  
 Ecclesia Catholica ejusmodi profitetur. *carnatio-*  
 Nempe; Secunda Divinitatis Persona, *nis,*  
 quæ est *Filius*, æqualis & Coæternus  
 Patri; cùm venisset plenitudo tempo-  
 ris; illi soli nota, qui novit, & con-  
 sti-



*Christus* stituit tempora ; nasci ex Virgine vo-  
*verus* luit : & assumpsit *Naturam humanam* :  
*Deus, ve-* totam : & integram : ex anima & corpo-  
*rus Ho-* re constitutam : eamquè *Naturæ Divinæ*  
*mo.* univit : ita ; ut *duæ Naturæ, & una Per-*  
*sona, esset Christus: Verus Deus: Verus Homo.*

*Duæ na-* Duæ inquam in Christo sunt Naturæ ;  
*tura, una* si enim una tantum statueretur ; ea vel  
*Persona.* Divina , vel humana esset. Si Divina  
 tantum ; non esset homo : si humana  
 tantum ; non esset Deus. Quem tamen :  
 Deum & Hominem , Sacra Scriptura , &  
 gesta ejus loquuntur evidenter : partim  
 enim Divina prorsus, partim verò humana  
 tantum , operatus est.

*Nec mix-*  
*ta, nec*  
*divisa.*

*Si verò dicas, unam Naturam, ex duabus*  
*compositam, conflatamquè ; Id fieri nequit,*  
*sine alterutrius, vel interitu, vel imminutio-*  
*ne: & necesse, ut vel Divina degeneret in hu-*  
*manam: vel hæc ab illâ absorpta, & absumpta*

*Disparēs sit.* Atque ita neutra integra : sed nescio  
*natura-* quæ nova , mixta , & imperfecta.

*rum fun-*  
*ctiones.*

Duæ ergo sunt Naturæ : & ideo dispa-  
 res, & cuiquè propriæ , ac peculiare sunt  
 affectiones: atque functiones. Unde *nasci,*  
*lacte ac cibo ali, carnis necessitates sustine-*  
*re, ac sustentare, pati deniquè ac mori, huma-*  
*num.* Mira verò vi propria facere; morbis,  
 morti, mari ac ventis imperare; *dæmonis re-*  
*gnum, evertere ; non peccasse unquam ; nec*  
*peccare posse; peccata verò aliis dimittere ; co-*  
 gi-



gitationes nosse; animis nostris (nempe ut in illum credamus) imperare; *Divinum.*

Etsi verò functiones istæ, utrique Naturæ separatim peculiare; attamen <sup>Tamen</sup> *ob* <sup>tanquam</sup> *unitatem Personæ, tanquam de una Personâ,* <sup>de una</sup> *meritò predicantur.* <sup>predicari</sup> *Inde est: quòd etsi* <sup>possunt.</sup> *Deus ἀπαθὴς ὄν ἢ ἀσωμάτῳ:* tamen quia <sup>Impati-</sup> *Corpus sibi, ut proprium assumpsit; ideo* <sup>bilis.</sup> *Deus passus dicitur. Unde Petrus, Christum in carne passum, & Paulus Dominum gloriæ Crucifixum, dixere. Et* <sup>Deipara</sup> *Maria Θεοτόκῃ, & Nativitas Christi vel* <sup>Nativi-</sup> *apparitio, Θεοφανεία rectè dicitur; ex præ-* <sup>tas Dei.</sup> *rogativâ nempe Personæ, cui Divinitas* <sup>Ob unio-</sup> *inseparabilis est.* <sup>nem hypo-</sup>

Sic explicatâ Oeconomiam Incarnationis, <sup>staticam.</sup> *Causas cur Deus mirum hoc voluerit* <sup>Causa</sup> *effeceritquè; non pigebit recensere: cum* <sup>Incarna-</sup> *piis Sanctisque Patribus: quorum pul-* <sup>tionis,</sup> *cherrima utriusque linguæ loca, Dionysius Petavius, mirâ profectò peritiâ, industriâ, ac diligentiam collegit. Videamus* <sup>Nempe</sup> *ergo: depromamusquè ex hac penu: in-* <sup>Finis e-</sup> *primis Finem; quem sibi proposuit Deus:* <sup>jus, con-</sup> *Convenientiam deinde, qua eum est ex-* <sup>venient-</sup> *cutus: denique* <sup>tia, neces-</sup> *Necessitatem ejus.* <sup>sitas.</sup>

*Finis omnium Dei operum, etsi passim, & verè assignatur* <sup>Finis est,</sup> *Gloria ejus: cum* <sup>gloria</sup> *præter hanc, nihil aliud ad eum, ob col-* <sup>Dei.</sup> *ata creaturis beneficia redundet, ac redeat; attamen cum hæc ipsa Gloria, quæ*

K est



est laudantium consentiens vox, & nihil in se solidi fructus habeat; & etiam si haberet; tamen Deo sibi sufficienti, addere nihil posset; Ideo dicendum est: quòd, etsi Gloria, necessariò comitetur opera ejus; tamen finem eorum non esse, aliquod ex illa emolumentum: sed solum,

*Aut quædam Bonitatis & beneficentis satietas.* *Naturæ beneficæ, ut ita dicam; gustum: dum bene fecisse, & amat unicè: & gaudet: & fructum ex se, & factò suo capit. Infinitæ inquam Bonitatis ejus, in beneficiendo (ut ita dixerim) satietas, finis est: quòd apparuerit benignitas, & humanitas Salvatoris nostri Dei: ut tam diffitam, & conditione, & culpâ, naturam assumere, & reparare voluerit.*

*Et hinc maxima quæ possit esse communicatio. Opitulatio. Vindictio à Dæmone.* Hæc eum impulit; Primùm ad sui Conjunctionem: quæ major esse non potest, quàm in hoc Incarnationis Mysterio: cum *Deus Homo factus est, ut Homo fieret Deus.* Deinde ad opitulationem: quæ tantò major est quantò magis miseris subvenit: nec sese juvare valentibus. Denique, ad profligandam mali Dæmonis sævitiam: quâ exercebat regnum, fraudulenter victi, in primo Parente, generis humani.

*Convenientia autoris.* Hic ergo finis est, admirandi hujusce Operis. *Convenientia sequitur: quæ ostendit: à nullo, (præter Deum ipsum) convenientiùs hominem vindicari debuisse: magis enim obli-*



obligaretur homo, *Creatura id sibi præstanti,*  
*quam Deo.* Cui itaque debemus (inquit *Nempè*  
 Divus Augustinus) quòd post lapsum, *nullius*  
 justificati sumus. *præter-*

Si autem Divinitati competiit nos vin- *quã Dei.*  
 dicare; conveniebat: ut id secunda ejus *Idquè se-*  
 Persona, id est *Filius*, exequeretur: *ab Divinitate*  
 illo enim nos decebat refici; per quem nos, *Et tis, Per-*  
*omnia facta sunt.* Deinde, *Filius est propriè*  
*imago Patris, & figura substantiæ ejus:* per  
 hunc itaque, *amissa in nobis imago Dei,* re-  
 stitui debuit. *Qui cum assumpserit hominem,*  
*non in unitatem Essentiæ, sed in unitatem*  
*Personæ;* sequitur: quòd etsi Trinitatis  
 una sit *actio;* Personæ tamen Filii, pro-  
 pria hæc sit *assumptio.*

Post Convenientiam *autoris,* non mi- *Modi*  
 nus elucet, *convenientia Modi.* Expedie- *Conve-*  
 bat enim apparere, & manifestari homini- *nientia,*  
 bus Deum: apparere verò non potuit,  
*nisi velo corporis contactus:* quando ne Moy-  
 sis quidem faciem, mortales oculi susti-  
 nere potuerint, recenter à Deo venientis:  
 si autem corpore tegi debuit, nullo conve-  
 nientiùs quàm humano. *Decuit deinde: in* *Ut in*  
*hac Naturâ Demonem vincere, quæ à Dæ-* *carne*  
*mone victa est.* Major enim, exinde, cer- *nostra,*  
 taminis ac victoriæ, & æquitas, & gloria.

De *Femina* etiam nasci, itidem consen- *Ut de fe-*  
 taneum fuit: Nam *ut per mulierem primam* *mina,*  
*mors;* ita *salus per alteram.* & ut Eva cul-



*Eaque  
Virgine  
nascere-  
tur.*

pæ, Mater; ita gratiæ, Maria. *Ex Virgine* autem: quia noviter nasci debuit, *novæ Nativitatis dedicator*: per quem homo nascitur in Deum, quia Deus in hominem natus est. Deinde, *Virgo* adhuc erat terra, nec ullo attrectata opere, *ex quâ formatus Adam*: ideo alter & *novus Adam*, *itidem ex Virgine*. Et, *sicut æterna generatio sine Matre*; ita quæ in tempore *Nativitas*, *sine Patre*: ut nempe una *Persona*, & *binos tantum*, & *convenientes Naturis*, haberet *parentes*.

*Non indecorum* Neque verò indecorum, Deum *assumpsisse carnem*: Nam *qui de limo fecit hominem*; *quis arguat*, quod per carnem *re-nem as-*fecit? *attrectavit primum*, cur non *susciperet alterum*? si enim non verè suscepisset, quis eum verum hominem dixisset? si autem verus homo non fuisset, quæ causa *simulatæ Naturæ*? quorsum, inquam, homo, non tamen homo?

*Et quòd infirmitates nostras portavit.* Nec dedecet, quòd *infirmitates nostras ipse portavit*. Sustinuit enim, *non impossitas, sed assumptas*: sustinuit; ut vinceret: *sustinuit; non succubuit*: hoc enim *imbecillitatis esset*: illud *Fortitudinis & Virtutis*. Subiit ergo *dolorem & mortem*: quia & in dolore tolerando, & in morte subeundâ, *Virtutum officia versantur*: quæ *Magister & præceptor perferre debuit*; ut ostenderet *perferri posse*: *nec repugnare id,*  
mor-



mortali, fragilique Nature; quod, eam indutus, fecit ipse.

Tertia *Convenientia* est temporis: quæ et si, illi soli cognita, qui cuncta fecit in tempore opportuno; attamen post correctum genus humanum; lege promulgatâ; post præmissa de se Prophetarum testimonia; & mira opera adstruendæ sui notitiæ facta; dum medium silentium tenerent omnia, & pacatus per Augustum Orbis esset; dum ultima Monarchiarum Roma, ad summum perducta fastigium; cum arx omnis superstitionis est facta; dum Hierosolyma in mores gentium paulatim transfiret; dum Synagoga, in sectas scissa, philosopharetur; & Platonem aut Zenonem potius, quam Mosem saperet; dum per idololatriam, toti Orbi, princeps mundi hujus, imperaret; ut tandem ejiceretur foras; & regnum peccati destrueretur; nasci in hominem, Deus, commodum, opportunum, & *conveniens* judicavit.

Convenientiâ monstratâ; jam, (ut promisi:) *Necessitas Incarnationis* ostendenda est. Quæ nulla equidem absoluta, antecedens, & cogens Deum, dari potest; dari tamen potest *congrua*: & *consequens*: Nam Deus semper vult fieri, quæcunque verè convenit fieri. Et sicut; quantumlibet parvum inconveniens, est illi impossibilitas;

Tertia  
Conve-  
nientia  
temporis.

Cujus i-  
donea  
causa re-  
censetur

Necessi-  
tas Incar-  
nationis,

Non  
absoluta.



*Sed con-ita justa ratio, est illi consequens necessitas.*  
*sequens.* Has itaque consequentes necessitates ex  
 sensu Sanctorum Patrum recensebo.

*Prima est* Prima autem est. Quòd non potuerit ge-  
*quia pec-* nus humanum, in peccatum lapsum, re-  
*catorem* parari, nisi ab eo; qui & peccati, tam Ori-  
*redimere,* ginalis, quàm commissi, seu (ut vocant)  
*non po-* Actualis, expers, & à vana p[er]nal[is] & omnino,  
*zuerit, nisi* id est, ut ita dicam, *impeccabilis esset:*  
*peccato* Non enim subvenire peccato potuit simili  
*non ob-* peccato semel nexus, & semper obnoxius;  
*noxius.* nec intervenire pro sceleratis servis, complex,  
 & adstrictus jugo servitutis: nec fatiska-  
 ciens, gratus acceptusquè esse potuit, o-  
 dium meritis: nec immunis à peccato.  
 In quo igitur non erat, nec esse potuit pec-  
 catum, ipse venit auferre peccatum.  
 Nam si in ipso quoque fuisset, aut esse potuis-  
 set peccatum, auferendum illi foret, non ipse  
 auferret.

*Altera* Altera consequens *Necessitas Incarnatio-*  
*quia sa-* nis est. Quòd offensa ac injuria Dei, à ge-  
*tisfactio* nere humano placari, ac compensari debuit,  
*plena esse* *justâ satisfactione:* satisfactio autem justa  
*non po-* ac perfecta est, quæ totum quod tenetur,  
*tuit, nisi* liquidò & planè exolvit, sine ullâ condo-  
*à Homi-* natione. Talem autem nec homo, nec Ange-  
*ne Deo.* lus præstare Deo potest: nihil enim uterque  
 habet, quod de suo, in solutionem ei imputet.  
 Qui itaque eam præstaret; necesse est,  
 ut communi, & purâ Creaturâ, major  
 esset:



esset: Nihil autem tali Creaturâ majus;  
nisi Deus homo factus.

*Tertia Consequens Necessitas, petitur ex Tertia: magnitudine, & atrocitate peccati. Quod est quia infideo infinite malum quia adversum, & ex opposito contrarium, infinito bono Tolle itaque non potuit, nisi ab infinite digna, id est; unâ cum Deo, imo ipsamet Divina Personâ: quæ & texit, quâ sine labe homo, infinitam vilitatem offendentis: & æquavit, quâ Deus, infinitam Majestatem offensi: condignus inquam Mediator: & sequester pacis Christus: imis summa conjungens: & faciens utraqûe unum: interventu nempe suo, velut ponte quodam, terrena cœlestibus, humana conjunxit Divinis: quæ absque illo conjungi, nullo modo poterant.*

*Quartò adstruitur Consequens Necessitas exinde. Quod si ne in pristinum quidem statum, redire per se potuit genus humanum, quantò minùs æternam felicitatem mereri, & obtinere? eam verò cum homini destinasset, & præparasset Deus; necesse fuit, ut præstitisset: præstari verò prævaricatori, justè non potuit, nisi & post satisfactionem: & ob meritum: solvere autem, ne dum mereri, non erat virium humanarum. Itaque ipsum; humanitate assumptâ, & abolere culpam, & præmium hoc ingens mere-*

*Quarta: quia si homo veniam non potuit mereri, quantò minus præmiū.*



ri, oportuit: per quod Filii Dei nominamur & sumus: si autem filii; & hæredes gloriæ ejus: hæredes inquam Dei, cohæredes autem Christi.

*Necessitates has approbavit successus.*

Hæc necessitates, videtur Deus eo ipso ostendere voluisse; quòd etsi magna, & eximia multa, reparandi hominis causâ, consultò præmisisset; frustra tamen omnia, nisi hoc Incarnationis mysterio completa fuissent. Non quòd non essent Dei simul, & statim, perfecta opera; sed *ut manifestius, & morbi, & remedii magnitudo, pateret.*

*Qui non secutus ex lege Naturæ.*

Gradus verò hujus operis hi fuere. Primùm; videns Deus, quòd multa malitia esset hominum in terra ad malum omni tempore; ut mederetur tam gravi morbo; *Legem Naturæ, insculptam semel in cordibus nostris; & nunquam deleri penitus passus est: & semper redintegravit: manifestatione sui, allocutione, admonitione, præceptis, somniis, signis, præmiis, ac pœnis: quæ cuncta, in Patriarcharum & Prophetarum gestis, spectantur.*

*Nec ex lege scripta.*

Deinde; cùm hæc non sufficere viderentur; *Legem scriptam promulgavit: eâ Majestate, quæ talem, tantumquæ legislatorem, deceret. quâ de re, in tertiâ parte, capitis hujus, dicitur uberiùs.*

Tertio; addi forsan potest: non jam Israëlitis tantùm datum; sed per gentes spar-



sparsum, & optimis quibusque ingeniis Nec ex dictamine Philosophiæ.  
 infitum, sapientiæ studium: per quod  
 impressas, innatasquè mentibus nostris,  
 Veri notiones; ad artis & scientiæ mo-  
 dum perducere, conati sunt multi: idquè  
 sæpe haud irritè: ut testantur non pauca:  
 quæ vetus Philosophia prodidit: arcanæ  
 profectò, & abditæ veritatis. Id verò,  
 etsi absque adminiculo apertæ revelatio-  
 nis; non tamen certè sine Divino instin-  
 ctu: & occultâ quadam, mentium, velut  
 manu ductione: Non enim alius, sapien-  
 tiæ has scintillas, spargere potuit; nisi Sa-  
 pientia ipsa: id est Deus.

Tria verò hæc, etiamsi eximia, non Tria hæc non juve- runt corruptum, genus hu- manum.  
 attulère tamen plenam generi humano  
 medelam: Nam, *Lege Naturæ & scriptâ,*  
*nunquam ita cultus Veri Dei obtinuit,* ut  
*πολυθεϊα* & idololatria tolleretur: nec Ju-  
 daismus Dei Veri notitiam, ad gentes  
 transmisit. Unde, *Deus Israelis vocatus,*  
*qui omnium esse debuit:* & ignoratus ubique:  
 & tantùm notus in Judæa Deus: Philoso-  
 phia verò multò minùs id præstitit: dum  
 aut non firmiter, unum autorem & recto-  
 rem universi docuit: aut si docuit; (ut  
 forsitan secta Stoica;) nullo tamen fructu  
 ad cultum ejus: imo adeo eum insuper  
 habuit; ut ei; sapientem suum, vel æ-  
 quaret: vel præferret. Immortalitatem  
 autem animorum, nulla prorsus professâ  
 K 5 est,



est, aut firmiter asseruit. Neque id mirum: sicut enim (inquit Augustinus;) oculus, absentia, id est à sensu remota, non videt; ita mens humana, invisibilia & æterna, quæ ultra captum ejus sunt, non agnoscit. Uti verò, quæ scire, quæ videre non possumus; illis credimus, qui sciunt; qui viderunt; ita *Divina & æterna, à Deo æterno tantum, didicisse oportuit.*

*Itaque  
ultima  
imposita  
manus.*

*Incarna-  
tione Dei.*

*Cujus  
fructus  
ante re-  
sensiri.*

Itaque: ut ultima tandem manus imponeretur tanto operi; postquam Deus multifariam multisquè modis, olim locutus esset Patribus, in Prophetis; novissimè loquutus est nobis in Filio: & docuit nos, omnem veritatem, per eum; qui est *Via, Veritas, & Vita.* ita ut jam totum genus humanum, Deum Verum, ejus Providentiam, & demum vitam æternam agnoverit: credideritquè: eaque obtinuerit salutis subsidia; quæ recensui compendio: cum de Gratiâ tractarem: & quæ dicam infra uberiùs, ad quæ loca ne tautologus sim; meritò Lectorem remitto.

*De alterâ, nempe Spiritus Sancti  
Missione.*

Sequitur jam altera manifestata nobis *Missio: Tertiæ Divinitatis Personæ: nempe Spiritus Sancti: pari compendio, eodemquè ordine tractationis explicanda.*

Oeco-



Oeconomiam ejus, Ecclesia Catholica *Oecono-*  
 profitetur talem. Post perfectum consum- *mia mis-*  
 matumquè redemptionis nostræ opus: *stonis*  
 quod Filii Persona implendum susceperat: *Spiritus*  
 cùm idem *Redemptor* rogaret Patrem, ut *S.*  
*alium Paraclitum daret nobis*, qui maneret  
 nobiscum *in æternum*; & rogatu ejus, &  
 meritis, *venit Paraclitus Spiritus Sanctus*:  
 quem misit Pater in nomine ejus. In no-  
 mine, inquam, ejus: *sicut enim in æternâ* *Qui à*  
*illâ Processione, à Patre Filioquè originem Patre Fi-*  
*habet; ita & ab utroque temporalem missio-* *lioquè*  
*nem.* Quæ tum primùm manifestata no- *missus.*  
 bis; cùm Filius opus consummasset,  
 quod illi dedit Pater ut faceret: ante enim  
 non erat plenè Spiritus Sanctus datus,  
 quia Jesus nondum erat glorificatus.

Acceperunt ergo credentes virtutem *Narratio*  
 Supervenientis Spiritus Sancti, in eos, *hujus*  
 tum primùm; cùm complerentur dies *Missionis*  
 Pentecostes: & essent omnes discipuli pa-  
 riter in eodem loco. *Factus* enim tum re-  
 pentè *de cælo sonus*, tanquam *advenientis*  
*Spiritus vehementis*: & replevit totam do-  
 mum, ubi erant sedentes. Et apparuerunt  
 illis dispertitæ linguæ, tanquam ignis:  
 seditquè supra singuloseorum.

Miro tum, inquam, modo communi- *Per quâ*  
 cationis, per infusionem quandam, & illa- *sigillum*  
 psium Substantiæ suæ, impressit Spiritus *sanctita-*  
 Sanctus, velut sigillum ac formam, san- *tis.*



Etificationis animabus credentium. Ante hunc diem, Patriarchis & Prophetis, quin imo & Apostolis; per Operationem tantum, & effectum, charismata sua

*Tum primum personaliter, & substantialiter, non dona tantum sua, sed seipsum infudit: ut scripturæ loca evindunt: cum eum, nobiscum manere, in nobis habitare, nos templa ejus esse, & denique, ut pignus, & arrhabonem, eum habere; testantur. Quæ cuncta substantivam, & personalem in sessionem declarant; factam non tantum per gratiam Operationis; (inquit Augustinus;)*

*Cujus rei exempla creata.* sed per ipsam Divinitatis ejus præsentiam: ita; ut in vasa cordium, animarumque (inquit idem;) non jam odor balsami, sed ipsa substantia sacri defluerit unguenti. Cujus conjunctionis, peti similitudo potest, à mixture metallorum: vel olei cum cerâ: vel cum aquæ vinum infunditur.

*Communicatio hæc differt ab unione hypostatica.* Non est tamen ea unio, quæ ex duabus Naturis in Christo: ibi enim, à Deo, in unitatem Personæ, assumpta Humanitas; hæc Humanitati communicata Divinitas: ibi unio, & individuo homini propria: hæc pluribus æquè impertita: per illam Homo verus, Deus verus: per hanc in filios Dei, hominum adoptio: non Spirituum; sed Spiritualium. Unde ibi naturalis unio: hæc habitualis tantum.

*Catt.*



*Causam Missionis* istius, Divinitas, non *Causa* aliam, quàm in Incarnatione habuit: <sup>hujus</sup> nempe *beneficæ Naturæ suæ vim*: & se <sup>Missionis</sup> communicandi insitum appetitum: per <sup>bonitas</sup> hunc; ut à Filio facta copiosa redemptio; <sup>Dei,</sup> ita à Spiritu Sancto, *Sanctificatio nostra*.

*Non enim hæc ab alio esse potuit, quàm à* Et san-  
*Deo.* Nam Sanctificatio, est animi hu- <sup>ctificatio</sup>  
 mani, supra ejus vires naturales, gratis <sup>nostra</sup>  
 effecta capacitas: quæ Deo plenos, ejus- <sup>Quæ non</sup>  
 què confortes naturæ, efficiat. Creatura <sup>potuit esse</sup>  
 itaque non potest sanctificare Creaturam: <sup>nisi à Deo</sup>  
 quia quod Naturale tantum est, Super- <sup>unde au-</sup>  
 naturalem effectum non producit. Dein- <sup>toris con-</sup>  
 de; nulla res potest animum, ejusquè re- <sup>venientia,</sup>  
 cessum ingredi, præter Deum. Ille solus <sup>Nam</sup>  
 scrutans corda, alioqui imperscrutabilia; <sup>creatura</sup>  
 illi uniri; in illum tantum possumus <sup>non potest</sup>  
 transmutari: (ut supra cum amoris vim <sup>quid su-</sup>  
 demonstrarem; explicavi:) ille denique <sup>pernatura-</sup>  
 solus est, dominus & arbiter mentis no- <sup>turale</sup>  
 stræ: quam semper adire intimè potest: <sup>produce-</sup>  
 ejus facultates ingredi: & quocunque <sup>re.</sup>  
 vult, movere: ac ducere. Itaque largi- <sup>Nec ani-</sup>  
 tio Sanctificationis, est munificentia Di- <sup>imum in-</sup>  
 vinitatis. <sup>gredi.</sup> <sup>Quod so-</sup>  
<sup>lius Dei</sup>  
<sup>est.</sup>

In Divinitate autem, proprium & pe- <sup>Sanctifi-</sup>  
 culiare id tertiæ Personæ: id est Spiritui <sup>catio pro-</sup>  
 Sancto. Causa est: quia illius æterna <sup>pria ter-</sup>  
 Processio, à voluntate ortum ducit: <sup>tia Per-</sup>  
*luntati autem, ita Sanctitas annexa; ut* <sup>sona.</sup>  
 in-



*intellectui Veritas.* Unde Personalis hic character, Spiritui Sancto; ut sit autor Sanctificationis.

*Quia à  
Deo a-  
mante orta.*

Deinde; *ille non natus nobis est, sed datus*: idquè ideo; quia amor; origo, & causa doni; Spiritus Sanctus. ergo proprie Donum, quia amor: Donum autem non aliud; nisi Sanctificationis: nam præter illam, à Deo amante, donari nobis minus non decuit: majus non potuit. Hoc accepto; contingit summum homini bonum: hoc dato; impletur summus Dei amor.

*Cui velut  
aditum  
fuit In-  
carnatio*

Tertiò; *cùm se generi humano, ita prodidit Divinitas, in Incarnatione Filii; quidni faceret idem; in tertia Spiritus Sancti Persona*: cujus proprietates bonitas, & caritas est? Cùm Filius, non modò reparasset; & in integrum restituisset naturam humanam; sed etiam hypostasi suâ ornasset; & velut aptam amoris infinito reddidisset; quomodo, non rueret ille, *in communicationem?* non aliter, ac ignis admotus, in Materiam accendi & ardere promptam? si sapientia æterna eo se demisit; ut non Spi-

*Et Sapi-  
entia ex-  
emplum  
bonitas  
Subsecuta*

rituales Substantias, & Angelos, sed caritatem, & semen Abrahæ apprehenderet; quidni delaberetur Bonitas infinita, & effunderetur itidem super omnem carnem, jam Divinitatis consortio, & unione nobilitatam, & ut in Spiritum verteretur, faci-



facilem paratamquè? Meritò itaque, hisce de causis, æterna charitas, diffusa est in cordibus nostris per Spiritum Sanctum: qui datus est nobis: ut bonus bonos, ut Sanctus sanctos efficiat.

Post *Convenientias auctoris*, sequitur *modi* *Convenientia modi.*  
*di*, congrua & consummata præstantia: *In igneis enim linguis*, Spiritus Sancti Mis- *In igne apparuit quia amor est.*  
 fio apparuit: convenienti profectò; æstui illi æterni amoris; & vim ac efficaciam ejus repræsentante Formâ. *Quid enim amoris, igne similis?* utriusque natura ardens, & flagrans est. Misit itaque, Pater & Filius, sacrum hunc ignem in terram: hoc utique fine, ut accenderetur, & arderet: ut fervens in nobis desiderium sui *Ut accenderet,*  
 faceret: & cum flamma sursum elevaret: ut scoriam animorum purgaret: vitiaque *purgaret, exureret.*  
 exureret: ut denique, mentes, affectibus terrenis facile cæcas; illustraret: ac lucis suæ radio illuminaret.

*In linguis* etiam apparuit: & statim post *In linguis apparuit.*  
 descensum suum, largitus est earum no- *Quia largitus imperitis earum notitiam.*  
 titiam: cum admiratione enim omnium maximâ, rudes, ignari, indocti, imperiti, coeperunt loqui variis linguis: prout Spiritus Sanctus dabat eloqui illis: ut nempe, quemadmodum conatus superbiæ, & vanus elatusquè Spiritus, confudit linguas; ita Spiritus Sanctus eas uniret: & hoc necessario instrumento, Apostolos ad præ-



prædicationem Veritatis, redderet idoneos.

*Quia nos docet loqui in Psalmis Spiritu- libus.*

*Vt loquamur rectè Verbum, quod Caro factum est.*

*Convenientia temporis.*

*Nempe post redemptionem sanctificationem.*

Præterea, impleti Spiritu Sancto, variis linguis loquimur: dum in Psalmis, & Hymnis, & Canticis spiritualibus, puras manus levamus: laudes & gratias agimus: prædicantes magnalia Dei. Denique, Verbum æternum nobis manifestatum est: dum Verbum Caro factum est. Compotes ergo Verbi, ut illud loqueremur; Spiritus Sanctus, qui suggereret nobis omnia, & cujus unctio doceret nos omnia, in linguis igneis venit: Ut quia pollutis adhuc labiis, loqui abbreviatum hoc Verbum non potuimus; velut candente illâ (ex Isaia) prunâ, seu calculo, labia nostra pura, & munda redderet: & linguas nostras, humana tantum balbutientes, & ad Divina mutas, novo calore ac spiritu, ita animaret; instrueretque; ut loqueremur rectè.

Tertia est *Convenientia Temporis*: sed ea jam in ipsa Oeconomia Missionis explicata est: nempe, post redemptionem impletam, convenienter Sanctificatio perfici debuit: & cum ascendit, qui descenderat; misit quod promiserat: & dedit dona hominibus: nisi enim ascendisset, prius consummato opere; meritis ejus, obtentus Paraclitus, non venisset ad nos. Ergo *commodè Redemptionem Sanctificatio secuta est.*

*Ne-*



*Necessitas demum Missionis* istius expen- *Necessitas*  
 denda restat. Ea autem est nostræ miseriæ: *hujus*  
*et si enim redempti à Christo; non tamen re-* *Missionis,*  
*lictæ sine hoste:* cum quo dum vivimus, *primum*  
 continuè nobis pugna. Voluit nempe cer- *ex nostra*  
 tamen nobis esse; ut esset meritum, vi- *indigen-*  
 ctoria, & corona. *Hostis primus Caro est:* *Contra*  
 quæ adversatur ita Spiritui; ut ille olim, *carnem*  
 in homine non mansurum se dixerit, *quæ spi-*  
 quia caro esset. Contra hunc ergo, con- *ritui con-*  
 tinuum, & domesticum hostem; præsi- *traria.*  
 dium unicum, intima Spiritus Sancti in  
 nobis mansio: Quam & promisit Deus,  
 cum dixit; Effundam Spiritum meum  
 super omnem carnem: & præstitit: cum  
 Spiritus Sanctus supervenit in nos: ita,  
 ut quod ex carne natum, caro erat; id  
 nunc natum ex Spiritu, unus cum illo  
 Spiritus efficiatur.

*Necessitas ejusdem Miseriæ, altera est:* *Alterà*  
*ab hoste altero, nempe Dæmone:* cum quo *contra*  
 etiam major multò, quàm cum carne *Spiritua-*  
 colluctatio: adversarius enim hic noster, *lia ne-*  
 non modò tanquam leo ferox inhiat no- *quitia.*  
 bis; sed etiam ut callidus serpens, insidia- *Nobis ex*  
 tur calcaneo nostro. Porro, cum ille spi- *nim in-*  
 ritus sit; ideo necesse fuit, firmari nos & *hiant &*  
 tutari Spiritu Sancto: qui ab ejus potesta- *insidiantur.*  
 te & servitute eriperet, & in libertatem  
 Filiorum Dei vindicaret: nam ubi Spiri-  
 tus Dei, ibi libertas.

Ultima



*Tertia* Ultima Neceſſitas eſt: quia orbatī per  
*quia era-* *Ascenſum Chriſti, indigebamus Paraclito,*  
*mus or-* *ſeu conſolatore animarum noſtrarum: Qui*  
*phani* *igitur dixit, non relinquam vos orphanos;*  
*poſt Chri-* *providit hunc tutorem: & ſuis meritis*  
*ſtum.* *obtinuit: & unâ cum Patre præſtitit: ac*  
*Et aſſi-* *miſit. Et; ſicut æternus Pater, ita dilexit*  
*ſtente* *mundum, ut ei Filium ſuum unigenitum da-*  
*Spir. S.* *ret; ita ille cum Patre, dilexit quoque eum*  
*egebamus* *uſque in finem: dum ambo, à ſe utroque pro-*  
*cedentem, donârunt Spiritum Sanctum: ſem-*  
*per nobiſcum manſurum: & aſſiduum*  
*noſtri rectorem: & protectorem.*

*Viriuſq;* Hæc ſunt quæ ſtriçtè recensui; utriuf-  
*Miſſionis* que Miſſionis, immenſa prorfus, & infi-  
*ingens er-* nita Dona Gratix: quæ non modò fando  
*ga nos di-* complecti, nemo dignè poteſt; ſed ne  
*gnatio,* cogitatione quidem ac mente aſſequi: ad  
*quæ ſtupent Angeli: & mirantur tantam*  
*dignationem generis humani: dum ſe tota illi*  
*Angelis* *infudit Divinitas: quin imo ſi tangi poſ-*  
*pœne in-* *ſent invidiâ, quererentur, homini velut*  
*videnda.* *minori, & prodigo filio, præ ſe & Na-*  
*turâ ſuâ, talia ac tanta data, conſeſſaque.*

*Inſinitè* Itaque exinde, quid ſit muneris, offi-  
*æſtiman-* *ciiquè noſtri, dignè æſtimemus: magna*  
*da.* *quippe accepimus: & naturæ noſtræ mo-*  
*dum longè ſupergreſſa: quæ ut dantis*  
*magnitudinem teſtantur; ita confeſſio-*  
*nem noſtræ indignitatis inprimis requi-*  
*runt. Profiteamur ergò verè nos indignos,*  
*ut*



ut tantò magis crescat gloria, beneficæ *Cum con-*  
 Divinitatis. Deinde exaltemus Dominum, *fessione*  
 & exultet spiritus noster in Deo salutari, *nostra in-*  
 ac sanctificatore nostro. Postremò parem *dignitatis*  
 curam, studiumque, tot ejus auxiliis su- *Laude*  
 mamus, impendamusquè, & coopere- *Dei.*  
 mur gratiæ: ut compotes esse possimus *Et coopere-*  
 (quam explicatum eo;) Gloriæ, *ratione*  
*gratiæ.*

D O N A G L O R I Æ.

**A**D hæc enim explicanda expendenda- *Eorum*  
 què, Ordo me promissæ tractationis *basis Im-*  
 deducit. Quorum basis ac fundamentum *mortali-*  
 duplex est: nempe *Immortalitas animorum:* *Resurre-*  
 & *Resurrectio Corporum.* *ctio.*

De utroque non est opus longâ disserta-  
 tione evagari: Christianis namque scri-  
 buntur ista: utrumque firmâ fide creden-  
 tibus. Et in Prolegomenis jacta jam sunt, *Primâ*  
 etsi velut per transfennam, solida tamen *asserta, in*  
 argumenta, adstruendæ immortalitatis: *prolego-*  
 Vitamquè æternam nobis Deus promisit: *menis.*  
 commendavit: appetere suasit: & hanc  
 præsentem, transitum tantùm, ad illam  
 nunquam finiendam, esse asseruit: do-  
 cuitquè: & quidem tam certò, tam cre-  
 brò, ut non sit amplius dubitandi locus.

*Resurrectionem* item Corporum, ipse *Alterâ*  
 Resurgens, & docuit: & monstravit: u- *certa iis*  
 tique omnipotenti Deo *minimè difficilem:* & *aperta*  
*Nam*



*Deoque facillima.* Nam qui potuit hominem Creare, quomodo non posset mortuum suscitare? Cùm (ut Augustinus ait,) majus miraculum sit, novos semper homines nasci; quàm mortuos resurgere: *difficilius namque est,* (ait Minutius Felix:) *id quod non sit incipere; quam id quod fuerit, iterare:* Quod itaque Deus præstare facillè potest; id & præstitit ipse: & deinceps præstiturum promisit.

*Credenda igitur firmiter.*

Credo itaque: & cum Jobo scio: ac dico: quòd Redemptor meus vivit: & in novissimo die, de terra surrecturus sum: & rursum circumdabor pelle meâ: & in carne meâ videbo Deum meum: quem visurus sum ego ipse: & oculi mei conspecturi sunt: & non alius: reposita hæc est spes in sinu meo.

*Et vita altera certo expectanda.*

Vivemus inquam, vivemus in æternitate: cum animâ & corpore: vitam alteram: & ; si hanc præsentem rectè egerimus; felicem omnino, ac beatam: Quam difficile est verbis explicare: cùm notum sit illud; auris, & oculi sensum, ac experimentum, quin & captum, mentis humanæ, longè superare ea; quæ præparavit se diligentibus Deus: attamen dicenda sunt, prout in umbra tantùm, & tenui imagine tradita habemus.

*Cujus beata ineffabilis gloria.*

*Qua primum ad animum pertinet.*

Ea verò partim ad animum pertinent: partim referuntur ad corpus. De Animo jure merito præmittam: ille enim propriè solus



solus capax est, veræ felicitatis. Huic igitur <sup>Vulgò in visione ponitur.</sup> visionem Dei tribuunt: & hoc compendio totum designant, quod hominem reddere beatum potest. Neque ego diffiteor: quin imo prorsus agnosco: sed id paulò aliter, quàm vulgò solet, explicare contendam.

Primùm igitur; *totâ Animâ Deum recipi*; Dico. *Cujus facultates, seu Potentia* cum sint tres; nempe *Memoria, Intellectus, Voluntas*; ideo omnes hæc à Deo <sup>Sed id accuratius ad facultates animæ aptatur.</sup> repleti; & omnes plenè & pariter compotes illius debere fieri; firmiter statuo: atque id ita deduco.

*Memoriæ visionem attribuo*: Non ex sensu fateor, nuperæ scholæ; sed nec cujusquam veterum, quod sciam; sed si inspicis, profectò ex Naturâ ipsâ rei. *Memoria namque mihi; est Potentia animi, & internus ejus sensus, species & imagines, seu ideas rerum apprehendens: ac retinens.* Obtinuit vulgò, ut pro recordatione tantùm, & *reminiscentiâ accipiatur*: sed imperitè <sup>Recordatione, cogitatione, admiratione.</sup> profectò: hæc enim, pars ejus tantùm est: nempe quæ præterita revocat. *Alterâ* verò est, quæ in futura extenditur: & fertur: *quam vocabo, Cogitationem.* *Tertiâ* denique, quæ præsentia aspicit, quæ *Admiratio* rectè vocabitur.

Tria hæc; visionem & intuitum animi, referunt omnino: ac repræsentant. Nam

Re



*Recordatio, præteritorum est visio.*

*Cogitatio futurorum.*

*Admiratio præsentium.*

*Phantasma & prima apprehensio Memoria tribuenda.*

*Quæ par aliis animæ facultatibus.*

*Imò ordine Originis prima*

*Visio ejus est Divina essentia.*

Reminiscentia præteritorum, quid aliud est, nisi sub aspectum animi, revocatio quædam & reductio? Futurorum deinde cogitatio, (cogito autem à cogo, quod est veluti conago, seu conduco, & concito:) est eorum quæ ante nos, sub animi inspectionem collectio. Unde qui illa colligit, conjicitquè, prospicere & providere dicitur. Admiratio, præsentium est intuitus & visio mera: (unde miro; olim idem quod video:) quæ dum exacta est; illicium statim præbet agnitioni. Phantasma igitur, seu visum, propriè ad memoriam pertinet: & id; quod prima apprehensio intellectus vocatur; non intellectus pars, sed memoria ipsa est. Confundi hæc facilè possunt, ob magnam facultatum Animæ inter se connexionem: sed profectò non debent: & secernenda sunt. Nec Memoria ex intimâ actione, & operatione Animæ expungenda; quæ primas in illa partes obtinet. Estque Potentia: non modo par aliis duabus; quia illis coessentialis, sed ut supra memini Ordine Originis prima. Meritò itaque in beato illo statu animorum, primam partem habere debet: eamquè non aliam, nisi *Visionem.*

*Visio hæc Memoriae, est inspectio & intuitus quidam Essentie Divinae, intimaquè Naturæ ejus: inquit enim Paulus: nos Deum*



Deum visuros sicuti est: & non ut nunc, per speculum, & in ænigmate; sed facie ad faciem. Videre autem sicuti est, pro-<sup>Qua vi-</sup>fectò videre est Essentiam. Et facies Dei,<sup>debitur</sup> (inquit Augustinus: ) manifestatio ejus<sup>Deus si-</sup> est. Videbimus ergo *Memoriâ, Essentiam Dei*.<sup>cur est.</sup> & defixi erimus, immotâ & immobili, unius Divinitatis, & in illâ totius quod est, admiratione:

Eam verò statim consequitur, altera fa-<sup>Eam se-</sup> cultas Animæ, nempe *Intellectus*. Cujus<sup>quitur</sup> est, id quod *Memoriâ visu apprehendit, cog- *Intel-*<sup>cognitio</sup>  
*noscere: & comprehendere*. Visam itaque à *Intel-*<sup>etui pro-</sup>  
*Memoriâ Divinitatem*, statim ille nos-<sup>pria.</sup> cere contendet: & infinitos illos *thesauros scientiæ Dei* ingressus, perfectissimam omni parte *Naturam Considerabit*: agnos- cet: confitebitur. Tunc cognoscam (in- quit Apostolus) sicut & cognitus sum: cognitus autem plenè, ideo pro illâ plenitudine & cognoscens.*

Agnitionem denique ejus, quod *Bo-*<sup>Hæc de-</sup>  
*num per se, proficuum, oblectans, & deni-*<sup>nique vo-</sup>  
*que omni parte perfectum est; quòd consequa-*<sup>luntatem</sup>  
*tur Amor, & fruitio, & quies, & gaudi-*<sup>rapit in</sup>  
*um*; manifestum omnino est: Ruit enim <sup>amorem.</sup>  
in hæc *Voluntas*, sponte suâ, & intrat in gaudium Domini sui: & gaudium ejus ne-<sup>Qui ruit</sup>  
mo ab eâ tollet: quod plenum in omnem <sup>in bonum</sup>  
æternitatem possidebit: & sine fastidio fa- tiabitur: cùm apparuerit ei gloria: & ta-  
men



men sine indigentia, sine siti, sine fame, *semper appetens, & semper fruens* erit.

*Quæritur quomodo videtur invisibilis* Sed in his, difficultates binæ sunt, quæ non explicatæ, dubios & perplexos reddere possent. Cùm enim Deus, ἀόρατος, id est invisibilis, sit; nemo vidit Deum unquam: ut ait Apostolus: & ille de se; Non videbit me homo, inquit, & vivet;

*Respondetur quod animo* Quæritur *quomodo à Naturâ Creatâ videri poterit?* Respondeo: quemadmodum videntur invisibilia: nempe *animo*. hoc inquam, eum videbimus: sed (ut inquit Apostolus;) cùm apparuerit: *in nostra*

*Ex manifestatio-  
ne Dei.*

*enim potestate* (inquit Augustinus;) *non est eum videre: sed in ejus potestate est, apparere.* Nisi igitur copiam sui fecerit; nisi Naturales vires nostras juverit; non erimus capaces istius visionis. Quæ est, *facultas supernaturalis*, Divino auxilio datâ animæ humanæ: alioqui ad intuitum Divinitatis debili: & infirmæ.

*Quod incomprehensus sit Deus.*

Deinde ἀκατάληπτος, id est incomprehensus Deus est; *quomodo eum comprehendemus?* Comprehendere enim, est totum & simul complecti: continere; & capere. Porro, ut in illis, quæ quantitate & mole constant; continens contento majus est; ita in Noscibilibus (ut sic τα νοητὰ vocem) par esse debet, notum & noscens: sciens, & scitum: quia alterum alterius imago est vera. Si itaque quantitatem spectes; ma-

jor:



major: Si qualitatem; par esset homo Divinitati: si eam totam plenè comprehenderet.

Dicendum itaque: *non ita eam comprehendendi; ut hac comprehensione, tota exhaustiatur Essentia: & ut ista Notitia, sit indidem cum ejus Substantia: taliter enim solus Deus seipsum novit: ut supra demonstratum: sed ita; prout capax reddi potest natura humana: & infra Divinitatis, (quæ in Triade tantùm est;) mensuram & modum: quem nulla Natura Creatata attingere potest.*

Neque Opponas; simplicissimam Naturam non posse comprehendi: nisi aut totam, aut nihil ex eâ: ita ut aut plenè debeat agnosci Deus: aut prorsus non agnosci. Non hoc inquam Opponas. Quia etsi indivisibilis, & ἀμερής, seu (ut ita dicam;) *impartibilis, est Deus; tamen ut nos eum, quodammodo nunc partimus & dividimus; dum attributa ejus singillatim recensemus; sine ullâ tamen ejus noxâ: ita & in vitâ æternâ, etsi agnosceretur plenè; pro captu & modulo cujusque animæ; non ideo tamen dividetur, secabiturquè in partes: sed totus & simplex, sufficet omnibus: sine sui extensione & partitione.*

*Sine divisione ac partitione, ac extensione.*

Quodsi petas: quomodo id fieri possit? *Ad memoriam.*  
 Hoc unum respondebo: id fieri *ad mensuram capacitatis,* quæ illum recipit. *Quem-que admodum-que capacitatis.*



*admodum autem debiliores oculi, non minuunt rem aspectam, etsi illam minus videant; idem quoque & hîc censendum est.*

*Sed necessarium hic est lumen gloriae.*

Locum hunc concludo: Necessarium afferens, Divinum hîc auxilium, & quod vocant Scholæ, *Lumen Gloriae*. Illud enim *desigat Memoriam admiratione: illustrat Intellectum agnitione: occupat denique fruitionem voluntatis: ita ut tria hæc; conjunctim, simul, & pariter, Unum, Verum, Bonum, videant: noscant: ament: idquè tantâ claritate, certitudine, ac dulcedine; quæ Dei, se communicare volentis, vim explere dignè; & ut par est; & Naturæ Creatæ modum, superfluentem (ut ita dicam;) implere possint.*

*Post animi felicitatem corporis felicitas.*

Felicitate animi sic recensitâ; *Corporis glorificati dotes* enarrandæ restant. Quæ amplæ profectò, & splendidæ, & auctoritate Divinâ, ac Scripturæ Verbis, & Patrum sententiâ memorantur: si dicta ubertim ab aliis, repetere luberet. Quin & illa, eâdem auctoritate addi solent:

*Quæ scriptis describitur.*

quæ ad ipsam Naturam, ac sensus Corporis oblectandos, semoto eo, quod impurum, imperfectum, statumquè tam altum dedecens est: videntur pertinere. Ut sunt illa: *cùm Deus, Regnum, Mansiones, & dilecta sua tabernacula, thronum, mensam, & cibum, & quod profectò mirandum, se præcinctum & ministrantem promittit.*



mittit: Cùm ibidem, *Cantum & harmoniam, suffitum & odoramenta*, Scriptura memorat: cùm splendor Civitatis illius Sanctæ, tot ornamentis describitur: cùm hæc omnia admiranda, supra visum, supra votum, prædicantur. Quæ cùm propriè pertineant ad Corpus; quin ejus oblectamentis præparata sint; nullo modo potest dubitari: *Frustra enim illud resurgeret, si boni sui expers esset. Non quòd, ista; terreno prorsus, humano, ac hujus vitæ modo censenda sint; sed ratione quâdam: ut nobis ignotâ, ita statui immortalis, congruâ & convenienti.* Immorari his, & oratione provehi, per vestigia, quæ sacri scriptores reliquere, facile esset: sed non est promensura Scripti, quam mihi præfixi.

Potiùs itaque subjungo, necessaria quæ hinc manant monita. Ut quemadmodum Dona Gratia expendimus; ita paria eis hæc Gloriæ agnoscamus: & ut in illis magna accepisse gaudemus; ita in his non minora accepturos speremus. Utrique enim Divinitatis quædam possessio est: ultra quam nihil magni est: sed hoc res differt, quòd Gratia, & potest non strâ culpâ non accipi: & potest non amitti: Gloria cùm obvenit, amitti non poterit: securitas enim, comes ejus perpetua est.

Agnoscamus ergo, ut par est, felicem hunc beatumque statum. Si Poëta spe facti non morimur



mæ posthumæ dixit ; Non totus moriar : Christianus immortalitatis, & resurrectionis certitudine dicat ; Totus non moriar. Et animâ namque vivemus, & corpore.

*Mors enim somnus.*

*Toto itaque animo æterna appetenda.*

*Mors enim nostra, verè somnus tantum, & dormitio est : & phase, seu transitus ad vitam meliorem : Hoc meruit, qui mortem moriendo triumphavit : idquè victoriæ præmium, præmiumquè, & ipse tulit : & nobis reliquit. Anhelemus eò igitur : Deum in quo omne bonum appetamus : in eum toto animo, & Naturâ feramur : & sic transeamus per bona hæc temporalia, ut illis æterna lucremur.*

### PARS CAPITIS TERTIA.

*Ut à nobis nosci voluit Deus. Ubi, Religionis veræ, triplex, per tria tempora, status : ejusquè ultimæ, id est, Christianæ, fundamenta : ac Signa : Per quæ Hæreses, ab illâ, facile dignosci, vitariquè possunt.*

*Deus se autore cognoscitur.*

*Hinc manat religio vera.*

**D**eus non nisi se autore cognoscitur : inquit verè Hilarius. Itaque illi soli de se credendum est : & iis ; quæ cognitioni nostræ, tribuit, assentiendum. Hinc enim religio manat : id est : *de rebus Divinis, segura, immutabilis, & necessaria, à Deo hausta veritas.* Videamus igitur : quoties, & quomodo, eam, generi humano, aperuit : seu, *ut à nobis nosci voluit, Deus.*

LEX



## L E X N A T U R Æ.

Vera Dei cognitio, ac Religio, ad tria <sup>Prima in</sup> tempora reducitur. Primùm enim; <sup>lege natu-</sup> <sup>ra.</sup> innotuit statim Deus; homini creato. Nam recens, à Dei manu, & opere, factorem <sup>Innotuit</sup> suum conditoremquè, quin cognoverit; <sup>enim A-</sup> <sup>damo</sup> <sup>Deus.</sup> dubitari non potest: *manifestavit enim se illi: allocutus eum est:* & dum mentem ejus, cognitione rerum creatarum illustravit; (quod nomenclatura illa animalium testatur: & addictum usui ejus univ-  
sum:) Dum, inquam, hæc usu ipso, cognovit; necesse est, ut Autorem quoque eorum cognoverit.

Sed hæc notitia: ut sufficiens & conve- <sup>Sufficien-</sup> <sup>ti ad sta-</sup> <sup>tum inno-</sup> <sup>centia no-</sup> <sup>titia.</sup> niens, rectæ illi ac simplici innocentia erat; ita procul, à curiosâ nimis, acri, & inquietâ indagatone: in quam, *esu ve-* <sup>tituti fructus,</sup> *lapsa est natura humana: & loco sapientia, scientiam tantùm consecuta:* quæ eam anxiam magis reddidit: & turbatam. Quippe, quam non dono Dei, sed transgressione mandati, & pravâ concupiscentiâ, adepta est.

Post culpam verò; & poenam primi <sup>Qua post</sup> <sup>culpam</sup> <sup>non cessa-</sup> <sup>vit.</sup> Parentis: nihilominus, & ipsius, & posterorum ejus, eam curam habuit Deus; ut noluerit eos oblivione Divinitatis, ignorantia recti, & neglectu probitatis perire. Ipsum quinimo *Caim*, odio fratris, ac



*Firmata,* invidiâ incensum, jamquè cædem ejus co-  
*salubri* gitantem, *blandè admonuit*: Bene, aut  
*redargu-* fecus, facta; præmium vel pœnam ma-  
*zione, &* nere: Moderandum ratione affectum:  
*admoni-* & posse eum domari. Nonnè si bene e-  
*zione* geris, (inquit) recipies: sin autem malè;  
*Caim.* statim in foribus peccatum aderit? sed sub  
 te erit appetitus tuus, & tu dominaberis  
 illius. *Quo ipso; peccatum contra naturam*  
*esse, vitariquè posse, ostendit*: Conscientiæ  
 internum dictamen firmavit: & denique,  
 in posterum, vitæ emendatæ statuit præ-  
 ceptum.

*Apud Se-* Post necem Abelis, natus est Adamo  
*thi proge-* Seth: huic verò filius Enos: qui (ait  
*niem cul-* Scriptura) cæpit invocare nomen Domi-  
*nis Dei* ni: Cultusquè Dei, ac Religio vera, apud  
*verus.* illius posteros mansit: Scissumquè genus  
 humanum, in filios Dei, in Sethi po-  
 steris: & filios hominum, in generatione  
 Caim.

*Quem* Sed cùm filii Dei, accepissent sibi in  
*sorrupio* uxores filias hominum; corrupissetquè  
*genere* omnis caro viam suam; *Noë tantum,*  
*humano,* (inquit Scriptura;) Vir justus, atque per-  
*solus Noë* fectus fuit, in generationibus suis: & *cum*  
*propaga-* *Deo ambulavit*: ideoquè solus diluvio ser-  
*vis.* vatus est.

Ex ejus tamen posteris, potissima pars,  
 in theoplanesiam politheiam, & idolola-  
 triam lapsa. Sem tantum generatio, ad  
 Abra-



Abraham, & deinceps per Israëlitas, us- <sup>Cujus ta-</sup>  
 que ad promulgationem scriptæ legis, <sup>men po-</sup>  
 propagavit acceptum Deo cultum: qui <sup>steri lapsi.</sup>  
 pauco tum constabat ritu: eoquè usu po- <sup>Præter</sup>  
 tiùs, quàm per institutum, recepto: ac <sup>Sem &</sup>  
 introducto. Præter circumcissionem, quam <sup>Abrahâ.</sup>  
 Abraham, expresso jussu Dei orsus; fan- <sup>Cui cir-</sup>  
 guine pactum, cum Deo sanxit: eoquè <sup>cumcisio</sup>  
 suam posteritatem obstrinxit. Huc usque <sup>imperata,</sup>  
 vocatur lex naturæ.

L E X S C R I P T A.

Sed cùm, nullo hætenus certo institu- <sup>Deus tan-</sup>  
 to, illigasset Religionem Deus; tandem <sup>dem Re-</sup>  
 ejus statum definiuit: promulgatione legis: <sup>ligionem</sup>  
 digito suo, in tabulis lapideis, exarata: & <sup>scripto</sup>  
 jussæ, imperatæquè per Moysen interpretem. <sup>præcepto</sup>

Promulgationis istius, ingens prorsus <sup>Et pro-</sup>  
 authoritas: quippe factæ, autore ipsomet <sup>mulgaa</sup>  
 Deo. Quod ipse, utpote magnum, sig- <sup>legem</sup>  
 nanter expressit: dum Moyfi loquens; <sup>propria</sup>  
 veniam (ait) ad te: in caligine nubis: ut <sup>allocutio-</sup>  
 audiat me populus loquentem. Et cùm <sup>ne.</sup>  
 hoc, magnâ præstitisset majestate: vidi- <sup>Et mag-</sup>  
 stis, (inquit,) quòd de cælo locutus sum <sup>na maje-</sup>  
 vobis. Nempe; postquam toties, pri- <sup>state.</sup>  
 vatim affatus Patriarchas esset; tandem  
 etiam totum, ex eorum progenie popu-  
 lum, triduo ante præmonitum, consti-  
 tutoquè die. Hanc allocutionem Moyses



*Quod  
merito  
exagerat  
Moyses.*

*Magnum  
quippe,  
& ad au-  
thoritatem,*

*Et ad in-  
cunctandam  
terrorem.*

*Lex hac  
partim  
Moralis.*

*Quae ve-  
tat pecca-  
re.*

ingeminans; Accessistis, (ait) ad radicem montis: qui ardebat usque ad coelum: locutus est Dominus ad vos, de medio ignis: vocem verborum ejus audivistis. Et passim hæc, merito in sacris repetuntur: eximia enim, & prorsus summa fuere, ad conciliandam legi auctoritatem: & quæ assensum ei, obsequiumque, exigent, necessariò. Non enim populus Israel, (inquit Augustinus;) auctori legis Deo, & ejus interpreti Moyse, sic credidit; quemadmodum suo Lycurgo Lacedæmonii: quòd ab Jove, sive Apolline, leges quas condidit, se dixit accepisse. Cùm lex dabatur populo, quâ unus coli jubebatur Deus; mirabilibus signis, prodigiis, & motibus apparebat, creaturam servire debere Creatori: & timor incussus est Dei; terribilis super omnes Deos: & frenum exinde peccati. Hanc enim causam, sic promulgatæ legis, adfert Moyses: ut terror illius esset, (inquit,) in vobis, & non peccaretis.

Lex ista, & Religionem continet: & Politiam: de hac non est hîc sermo. Religio verò, de qua nunc res est, habet præcepta: partim ad vitam, & mores: partim ad ritus, ceremonias, cultumque Dei. Prima pars, *Moralis* dicitur: quæ aut vetat peccare: dum, non occides; inquit: non furtum facies: aliaque: sed in-  
ter



ter illa, altum profectò, perfectumquè  
 illud: non concupisces: quo omne pec-  
 catum penitus arcetur: excluditurquè:  
 Aut jubet bene agere: imperatquè virtu- *Et jubet*  
 tes: quarum officia ad duo capita redigit: *bene age-*  
 nempe, ad Dei, & proximi dilectionem. *re.*  
 In his enim duobus, universa lex & Pro-  
 phetæ. Hoc mandatum magnum in lege.  
 Hoc compendium pietatis, charitatisquè  
 in quo tota sanctitas, & justitia.

Pars altera ejusce Religionis, *ceremo-* *Partim*  
*nialis* erat. Ubi accuratè, cultus sacrorum *Ceremo-*  
 descriptus: ut ritus phase: esus agni: & *nialis. in*  
 azymorum: requies Sabbathi: neomeniæ: *ritibus.*  
 altare: victimæ: holocausta: expiationes:  
 thymiamata: aliaquè complura: quæ si-  
 gillatim, minutatimquè recensentur.

Lex itaquè Domini Sancta: sed tamen *Sancta e-*  
 pro ingenio; populi constituta. Hinc e- *quidem*  
 nim est: quòd *præmia illi fuere, vitæ præ-* *sed ad in-*  
*sentis: & bonorum temporalium:* quorum *genium*  
 promisso, & largitione ad observantiam *Populi*  
 invitatus: non aliter; quàm pueris olim, *facta.*  
 dant crustula blandi Doctores: elementa *Premia*  
 velint ut discere prima. Deinde: cùm *hujus vi-*  
 idem populus duræ admodum esset cervi- *ta assig-*  
 cis; pœnis repentinis, & suppliciorum *nans.*  
 fervili terrore, sæpiùs compescendus fuit.  
 Uti enim, olim futura præmia, illos non *Pœnis pu-*  
 illexissent; ita nec pœnæ deterruissent *niens re-*  
 posthumæ. Omnino itaque ingenio tan- *pentinis.*



tum populi illius, accomodata lex fuit.

*Unde patet cessaturam fuisse.* *Atque vel hinc patet: cessaturam illam fuisse: & locum daturam perfectiori: quæ omnes gentes concerneret: converteret: & comprehenderet. Prout id Jacob Patri-*

*Prout prædictis imple- tumquæ.* *archa, David sapius, tum Isaias, Jere- mias, Daniel, Malachias, aliique locis notis prædixere: impletumquæ videmus.*

*Ipsemet scribere.* *Nec sine causa est, quod decem tantum præcepta ἀπὸ νόμων voluerit Deus. Nempe ut majorem auctoritatem adderet illis, quæ totum genus humanum in perpetuum obligant, ideoque; immutabilia sunt.*

### LEX GRATIÆ.

*Tertium Religionis vera tempus à Christo.* *Post legem, itaque naturæ, quæ ad Moysem; post legem scriptam, quæ ad Christum; tandem ab illo: incipit consummata Religionis tempus: tertium; ultimumquæ: quod est, Lex nova: Lex gratiæ.*

*Qui auxit moralia præcepta, ac perfecit.* *Quæ licet figuram, (inquit Leo;) in veritatem; Prophetiam, in manifestationem; legem denique in Evangelium vertit; attamen non modo nihil, de Moralibus ac Decalogi præceptis dempsit: sed potius longè illa auxit: perfecitque: ut vel ipso hoc Scripto, quo præcipua Christianæ sanctitatis explicantur, patet evidenter. Ceremonialia verò, quæ in figura olim erant, re ipsa*



ipsa complevit: ita ut pro carnibus anima-  
 lium, & sanguine hircorum, jam (ex  
 prædictione Malachiæ) in gentibus, &  
 in omni loco, sacrificetur, & offeratur nomi-  
 ni ejus: Nempe, oblatio munda: novum &  
 incruentum Sacrificium: de quo infra di-  
 cendi erit locus.

Præmium verò legis istius, æternum con-  
 stitutum: & non in carne, sed spiritu beati-  
 tas. Cùm Christus, suis meritis, dedit  
 nobis potestatem filios Dei fieri, his; qui non  
 ex carne nati, credunt in nomine ejus: &  
 exinde, hæreditatem capiunt æternæ fe-  
 licitatis: in qua summum, & naturam  
 etiam supergressum hominis, bonum.

Quod attinet novæ hujus legis promul-  
 gationem; hæc non eo, quo vetus, modo fa-  
 cta. Non enim illi apparatu, Majestate, &  
 pompa: quia hic modus, ad ingenium huma-  
 num, sese quodammodo attemperantis Dei,  
 ultra non placuit. Non etiam cum terrore,  
 minis: quia videretur; non posse serviri Deo,  
 nisi ex metu, & coactè. Alia itaque placuit  
 ratio: ut patet ex his, quæ de Incarnatio-  
 ne dicta sunt. Nempe; per mansuetam  
 charitatem, & per infirma ac contemptibilia,  
 victor, ac triumphator animorum, mul-  
 to mirabilior esse voluit Deus: majoremquè  
 hinc vim, & efficaciam suam ostendere.

Unde est, quòd doctrina ejus, humilis  
 visa, primâ fronte: & abjecta. Et præ-



*Prædica-  
tio Euan-  
gelii pri-  
ma fronte  
humilis.*

*Attamen  
vicit su-  
perbam  
Philoso-  
phiam.*

*Et nunc  
sola re-  
gnat.*

*Non scri-  
pto tradi-  
ta.*

dicatio Evangelii, (inquit Hieronymus, ad parabolam grani sinapis;) minima omnibus disciplinis videtur: hominem Deum, Christum mortuum, & scandalum Crucis prædicans. Confer, (inquit) ejusmodi doctrinam, dogmatibus Philosophorum, splendori eloquentiæ, compositioni sermonum: *certè primâ specie, minor videbitur, cæteris seminibus, sementis Evangelii.* Attamen hæc talis; non in sublimitate sermonum, nec in persuasibilibus humanæ sapientiæ verbis; per homines sine literis, (ut vocantur in Actibus Apostolorum) per viles, & imperitos idiotas, *xupias* illas *δ'όξας* evertit: vanas esse ac inanes ostendit: *natas de ingenio, & sapientiâ sæculi: quam Dominus, stultitiam vocans, stulta mundi in confusionem superba Philosophiæ elegit.* Ita ut & illa; & literæ; & scientia quæ inflat; omnisque mentium fastus; tandem *colla ejus doctrinæ submiserit: quæ irrifa, ac illusa olim; nunc sola regnat: & animis imperitat nostris.* Nempe; vicit, suis viribus, nixa veritas: & stupendo prorsus modo, peregit tranquilla potestas: quod violenta, vetus illa, non fecit.

*Altera promulgationis legis novæ diversitas: quòd non scripto, nec per literam, facta sit. Nihil enim scripsit, nihil dictavit Christus. Nec doctrinæ suæ, quam mundo in-*



intulit, formulam autographam reliquit. Ita; ut *Euangelium*, seu bonum nuntium; non sit propriè, narratio illa dictorum, gestorumquè Christi: quam quatuor, ab Ecclesia approbati, Historiæ istius, Sancti Scriptores, edidère: sed potiùs hoc nomine vocari debet *κῆρυγμα* ipsum: id est, legitima prædicatio: facta per Apostolos: id est Missos. Ideo prudenter certè, ut omnia, adnotavit Maldonatus: non vocari in scripturis *Euangelistas*, qui *Euangelicam* scripsère Historiam: sed potiùs qui prædicarunt *Euangelium*. Quod testatur, locus ille notus factis, *Isaiæ*, cùm inquit: Quàm pulchri sunt super montes pedes Euangelifantis, & prædicantis pacem: annuntiantis bonum: prædicantis Salutem: dicentis; Sion: regnabit Deus tuus. Quæ non de scriptoribus, sed prædicatoribus *Euangelii*, & Apostolis dici; & verba clara testantur: & vel ipso Paulo interprete, manifestè constat.

Qui ipsi Apostoli, non ex scripto prælegendam, sed ex auditu prædicandam, fidei formulam accepere. Ostenduntque id: solennia illa; oretenus data, legationis velut instrumenta: quæ ab *Euangelistis* referuntur. Ut à *Matthæo*: qui post recensita Apostolorum nomina, datamquè illis tam amplam potestatem; *Hos*, (inquit) *duodecem misit Iesus: præcepitquè eis: dicens;*

*Sed prædicacione.*

*Euangelistæ propriè prædicatores.*

*Et loco Isaiæ.*

*Et interpretatio Pauli.*

*Apostolè oretenus missi, non scripto instructi.*

*Testimonio Matthæi.*



*Lucas.* *Euntes prædicate, dicentes.* Et apud eundem; post Resurrectionem suam, repetiit Dominus: *Euntes ergo, (inquit) docete omnes gentes.* Marcus quoque: *vocavit (inquit,) duodecem: & cepit eos mittere binos: & exeuntes prædicabant.* Lucas convocatis (ait) duodecem, dedit eis virtutem: & *misit illos prædicare.* Apud Joannem; Illud: *sicut misit me Pater, & ego mitto vos.* Et paulò post; ad declarandam potestatem; quorum remisistis peccata, remittentur &c. Paulus quoque; Legatione (inquit) fungimur pro Christo, tanquam Deo per nos exhortante. Qui nos (ait alio loco) *fecit ministros novi testamenti, non literâ, sed spiritu:* Sed omnium optimè, Marcus: claudens Christi Historiam, describit sic modum prædicationis. Et Dominus (inquit) quidem Jesus, postquam locutus est eis, assumptus est in cœlum: & sedit à dextris Dei. *Illi autem profecti, prædicaverunt ubique, Domino cooperante, & sermonem confirman- te, sequentibus signis.* Nullibi itaque, ut vides, mentio: scripto exaratae legis: sed cum promisso assistentiæ, datæ potestatis, & virtutis, missionis, & prædicationis, *jurisquè ligandi, & solvendi.*

*Nusquam scripto legem exarataam, promulgans.* Cur autem Christus non tradidit scripto doctrinam suam? Primùm, ea causa adferri potest: *quòd semper elegerit, mundo,*



*& expectationi humanæ, contraria.* Itaque <sup>Noluit</sup> illiteratus potius haberi, quam literis uti <sup>nempe</sup> voluit. <sup>Christia-</sup> In parabolis tantum, <sup>nos literis</sup> aperuit os <sup>uti.</sup> suum: & quia cum simplicibus fermocinatio ejus; ideo, scriptis operosis non est usus. Deinde cum professus esset, <sup>Nec scri-</sup> *venisse legem scriptam solvere: ut id re ipsâ* <sup>ptum legi</sup> *ostenderet, nullum ei scriptum opposuit.* <sup>scriptæ</sup> Sed <sup>opponere.</sup> præcipua, & vera causa, ea omnino est: quòd voluerit Ecclesiam suam, supra fun- <sup>Sed Ec-</sup> *damentum Apostolorum stabilire: id est,* <sup>clesiam</sup> *tantum supra potestatem à se datam: quam* <sup>supra</sup> *numquam cessaturam, neque erraturam, &* <sup>funda-</sup> *&* <sup>mentum</sup> *fæpius, & magna asseveratione, promi-* <sup>Apostola-</sup> *fit: atque re ipsâ adimplevit.* <sup>ris straxit</sup>

Lex ergo nova, nihil aliud est; nisi do- <sup>Et in po-</sup> *ctrinæ fidei, à Christo oretenus datæ, &* <sup>testate</sup> *scriptæ (ut Paulus ait) non atramento,* <sup>Ecclesia-</sup> *sed Spiritu Dei vivi; non in tabulis Lapi-* <sup>stica, sua</sup> *deis, sed in tabulis cordis; talis inquam do-* <sup>assistentiâ</sup> *ctrinæ; ejus ope, auxilio, assistentiâ,* <sup>continua-</sup> *per legitimam Ecclesiasticam potestatem,* <sup>tâ.</sup> *continuatio: & successio.* Quæ definitio <sup>Scriptu-</sup> *constituit, unam, Sanctam, Catholicam,* <sup>re novi</sup> *Ecclesiam Christi.* <sup>Testamē-</sup>

Sed, inquires; *quorsum ergo scripturæ ti, ad cõ-* <sup>solationē</sup> *novi testamenti? Respondeo: ad consola-* <sup>tionem</sup> *tionem fidelium, & jam credentium.* Habet <sup>jam cre-</sup> *nempe Ecclesia, depositum hoc ingens:* <sup>dentium.</sup> *quod custodit: quo gaudet: quo utitur: inquirant* <sup>Non ut</sup> *non ut hinc, de sancitâ credendi regulâ, du-* <sup>novam si-</sup> *bitet; dem.*



bitet; disceptet; aliamvè (ut hæretici solent) inquirat: (Etenim eam; conformem scripturis, decisam à Conciliis, defensam Patrum sententiâ, &, quod summum; acceptam à Christo, per Apostolos traditam, per eorum successores continuatam, habuit: habet: habebitquè semper.) *Sed, ut fidam narrationem præcipuorum, quæ Christus fecit, aut dixit, habens; refricet, magna consolatione, memoriam primæ prædicationis: & doctrinæ semel constitutæ.*

*Sed ut memoriã prædicationis refricens.*

*Ex eariã privata interpretatione non est fidei Regula.*

*Non omnia continent.*

*Non modo ac sine legis scriptis.*

*Caruit illis ali-quamdiu Ecclesia.*

Hinc verò manifestum est, aut fallere, aut certè *falli eos: qui scripta hæc sacra, ita jactitant; & præferunt; ut regulam unicam fidei constituent, non tam illa; quam potius sensum ex illis, suã interpretatione depromptum.* Atqui, nec Evangelica narratio, nec Apostolorum gesta, aut Epistolæ, omnia habent, quæ per continuatam doctrinam tradita accepimus: nec modo, ac fide legis, sunt exarata: ut dogmata nempe omnia fidei, præceptaque rituum, figillatim dicent: recenseant: sanciantque prout lex vetus, & scripta fecit. Et *satis constat, prædicationem, & Ecclesiam, plures per annos, sine ullo scripto extitisse: nullamquè ejus in Actibus Apostolorum, mentionem esse. Cùm tamen essent omnes perseverantes, in eorum doctrinã.*

Quod verò, Evangelistæ, Historiam Christi



Christi scripserunt ; gravibus equidem <sup>Instinctu</sup>  
 causis ; nempe instinctu Spiritus Sancti , <sup>Spiritus</sup>  
 & magno Ecclesiæ , ac posteritatis com- <sup>S. exara-</sup>  
 modo , adducti sunt : sed non certè , ut <sup>ta.</sup>  
 conderent Scriptam legem : formulamquè fidei <sup>Posterita-</sup>  
 & canonem constituerent credendi. Quod <sup>tis com-</sup>  
 aliâ formâ modoquè fieri oportuisset : & <sup>modo.</sup>  
 quod reservatum videtur , donec dubita- <sup>forma ca-</sup>  
 tionibus , & quæstionibus variis , ( ut <sup>nonis.</sup>  
 est ingenium humanum ; ) & post , hæ-  
 resibus ( quas futuras prædixit Domi- <sup>Qui ortis</sup>  
 nus ) ortis ; necesse foret , dogmata ver- <sup>quæstio-</sup>  
 bis certis ponere : canonem ferre : & <sup>nibus &</sup>  
 scripto sancire : Prout factum ab Apосто- <sup>heresibus</sup>  
 lis , in quæstione illâ primâ , de circumci- <sup>demum</sup>  
 sione gentium. <sup>constitu-</sup>  
 tus.

Scripturæ itaque Novi testamenti , non <sup>Conclusio</sup>  
 sunt propriè lex ; data , sancitaquè cun- <sup>hujus lo-</sup>  
 cta , complectentes. Nec , prout dixi ; <sup>ci.</sup>  
 fine , modo , ac formâ præcepti , sunt  
 exaratae. *Nec licet illis , nisi sensu Ecclesiæ ,* <sup>Non lice-</sup>  
*cujus depositum sunt , uti :* Nec fas inter- <sup>re uti scri-</sup>  
 pretari aliter , quam constituta semel fi- <sup>pturis ni-</sup>  
 dei doctrina permittit. Ita , ut *qui illas so-* <sup>si Eccle-</sup>  
*las , pro unica fidei regulâ jactant ; profectò* <sup>sia sensu.</sup>  
*earum specioso obtentu , licentiam , disceptan-*  
*di quærant , potestatem verò , & obsequium*  
*tollant.*

Hisce verò ita deductis ; etsi non fuit <sup>Contra</sup>  
 mihi animus hoc Scripto contra hetero- <sup>heteroda-</sup>  
 doxos dicere : nec argumentum , quod <sup>xos præ-</sup>  
 mihi <sup>scriptio-</sup>  
 ne.



Ad do- mihi proposui, id requirat: (nam *μεγίστην*  
mesticos *ὁμοίαν τὴν μίσησιν* scribo:) Attamen quoniam  
fidei. ordine deveni ad hunc locum; *ὡς ἐν παρρησίᾳ*,  
Velut non disputabo, sed præscribam pauca:  
præter quæ tamen probè pensitata, & ad opinio-  
opus. nem tollendam, & ad agnitionem veri,  
sufficere possunt.

1. *Esse ve-* Prima itaque *præscriptio* fit: *Esse inter*  
*ram Re-* Christianos *Religionem veram*: Hoc nemo  
*ligionem.* diffitebitur: nisi qui aut ejus, quam præ-  
feret incertus: aut novæ alicujus autor:  
aut cujuscunque contemptor est.

2. *Unam* Altera *præscriptio*: *Religionem veram*  
*tantum* *unam tantum esse*. Nam verum; unum.  
*esse.* Dissensus ex uno, plura facit: & contra-  
dictoria: quæ in re una, vera esse ne-  
queunt.

3. *Neces-* Tertia: *Religionem veram, & unam,*  
*sariam* *necessariam esse*. Nisi enim necessaria esset,  
*esse.* quorsum vera? quorsum una? quorsum  
ulla?

4. *Aca-* Quarta: *Religionem veram, unam, ne-*  
*tu legiti-* *cessariam, à cœtu legitimo retineri*: seu non  
*mo reti-* unius alteriusque, privatâ & singulari  
*neri.* opinione consistere: sed multorum con-  
sensu, & velut consociatione. Alioqui  
singularis, & cujusque privata Religio,  
multiplex esset: ideoque, neque vera,  
neque una esset: imo nulla esset: quia  
cultus, ritusque debitus; exerceri, nisi in  
cœtu non potest: si neritu autem, nulla  
Religio est. Quin-



Quinta: *Cœtum hunc, potestate & lege s. Eum contineri*: Hoc enim tantum vinculo coalescit omnis multitudo. Alioqui non esset, legitimus Cœtus: sed turba: non consentiens, in potestatis, & legis obsequium. potestate, & lege constare.

Sexta: *Potestatem manasse, à missione*. Hanc à Christo Apostoli, ab illis Ecclesia accepit. Hæc est (ut evidenter ostendi ac demonstravi:) *primarium, fidei, & doctrinæ Christianæ fundamentum: cui superædificata Ecclesia.* 6. Potestatem à missione esse.

Septima: *Missionis veræ ac legitimæ notam; esse successionem.* Hæc aut nulla est: *aut una est: Nulla esse non potest; quia non interituram, promisit Christus. Una igitur tantum est.* Eam autem alia Ecclesia, præter Catholicam, non modò docere non potest: sed ne profiteri quidem audet. 7. Missionis notam, successionem.

Octava: *Per hanc unam, missione continuatam potestatem, lex declarata est: Regula, inquam, & formula fidei. Quæ constituta, non mutatur. Semel enim Ecclesia jubet: semper paret.* 8. Hinc regula fidei.

Nona: *Uti potestatem, quæ legem declaravit, ita & legem infallibilem esse.* In utroque enim, est Divinum autosepha: *quod non fallit. Et tollitur omnis religio, si aliqua indubitata, non statuitur.* 9. Quæ uti & potestas, infallibilis.

Decima: *Potestas hæc, est Hierarchica: gradus habens, & ordinem. Ubi autem gradus;*







quam definiti, Ecclesiâ desciscere; eam er-<sup>12</sup> A  
roris arguere; & condemnare; Hæreticum <sup>tali Ec-</sup>  
prorsus esse. <sup>clesia de-</sup> <sup>sciscere,</sup>  
Causa præscriptionis in aper- <sup>Hæreti-</sup>  
to: Divinam enim auctoritatem qualem <sup>cum,</sup>  
hic ponimus; quis licitè deferat, arguat-  
ve erroris? Deinde; cùm ex antedictis  
pateat; *Ecclesiam habere, jus Potestatis* <sup>Quia</sup>  
*summæ;* demonstratum autem, libro se- <sup>Divina</sup>  
cundo, jus ejusmodi in eo fitum, ut ei <sup>authori-</sup>  
pareatur semper; & nunquam licitè resi- <sup>tas, &</sup>  
statur; *Ideo, parendum semper erit Eccle-* <sup>potestas,</sup>  
*siæ: & tantò magis, quòd aliæ quidem po-* <sup>violatur.</sup>  
*testates à Deo, hæc verò prorsus ipsiusmet*  
*Dei:* quam *ἡγεμονίαν* rectè vocaveris.

Decima tertia: *Desciscunt ab hac potesta-* <sup>13. De-</sup>  
*te, & hæretici sunt; qui Ecclesiæ sancita,* <sup>sciscunt,</sup>  
*& dogmata corrigunt:* vel interpretatione <sup>qui eam</sup>  
scripturarum: vel ratiocinatione huma- <sup>corrigere</sup>  
nâ: vel pravo studio curiosæ indagationis. <sup>presu-</sup>  
Hoc enim non permittit, constituta semel <sup>munt,</sup>  
fidei Regula: quæ jubet credere, non quæ-  
rere.

Decima quarta: *Multò magis, Hære-* <sup>14. Mul-</sup>  
*tici sunt; qui novum cætum, separatamquè tò magis*  
*faciunt Ecclesiam.* Nam, si fuit semper, <sup>qui novum</sup>  
ut ostensum est; aliqua, & una; <sup>cætum</sup>  
*ducitur altera, falsa sit oportet.* Est verò <sup>faciunt,</sup>  
hæc nota vera, & proprius character Hæ- <sup>Nam</sup>  
reseos: facere Schisma: & secessionem. <sup>schisma</sup>  
Non tam enim erronea opinio hæresim <sup>hæresis</sup>  
efficit; (nam hæc ab innocenti ignoran- <sup>chara-</sup>  
tiâ <sup>cter,</sup>



tiâ oriri potest: ) quàm pertinacia, auctoritati resistens.

15. *Prima fides retinenda.*

Decima quinta: *Prima fides retinenda*: quæ verò, prætextu correctionis posterior inducitur; vitanda semper ac fugienda. Nam id Dominicum, (inquit Tertullianus) & verum; quod primò traditum: posterius falsum. Quod vel illa parabola docet: quæ *triticum seminatum*, ait, à *Patrefamilias*: post verò ab inimico, *Zizaniam*. Additquè Tertullianus: memoranda profectò, notandaquè verba: Ea sententia, (inquit) manebit adversus posteriores quasque hæreses. Ubi non præscriptio tantum ejus, sed prudens, sanè prædictio, & præmonitio est.

16. *Quæ doctrina citò placet suspecta.*

*Quia multa indulget.*

*Quæ mens humana arripit.*

Decima sexta: *Suspecta doctrina esse debet, quæ citò placet, & arridet mentibus humanis*. Talis, non jubet credere, quod non capias: quæ supra aut præter captum sunt, rejicit: Inquirere in regulam, permittit: licentiam fovet: obsequium tollit: multa superflua esse, & non necessaria, asserit: & denique, *laxat disciplinam: patentemquè nimis viam aperit: cum angusta sit, quæ ducit ad cælum*. Assentitur verò his facilè animus: quippe; sui juris amans: adstringi præceptis nolens: & ut plurimum prava arripiens sponte: recta sequens invitus. Quia illa, fronte blandiuntur, & statim alliciunt: hæc aspectu aspe-



aspera, ideoquè absterrent: sed, tractu ac mora: illa exitu tandem misera: hæc fine beata.

Decima septima: Hac ratione, sed ob-  
tentu recti, hæresis sese insinuare solet.  
Frustra tamen. Nam *eventu tot seculorum*  
*comburtum habemus, omnes istos correctores,*  
*re ipsâ semper fuisse seductores.* Id ostendunt  
tot, quæ recensentur *nomina sectarum:*  
quæ ideo *non ex Deo erant, quia periêre.*

17. Ex-  
perimen-  
to doce-  
mur, No-  
vatores  
semper  
fuisse im-  
postores.

Decima Octava: *Quæcunque doctrina*  
*præfert autoris nomen, ostendit hoc ipso seces-*  
*sionem & Schisma.* Vetat Apostolus dicere:  
ego Pauli, ego Apollo, ego Cephæ: id-  
què ideo, ut non sint, inquit, Schisma-  
ta: sed sint omnes in eodem sensu: & in  
eadem Sententia. Argumentum enim est  
dissensus, & innovatæ doctrinæ: hæc ab  
autore denominatio: quam semper sectæ  
habuere: nunquam Ecclesia Vera.

18. Hære-  
ses novo  
nomine  
semper,  
insignitæ.

Decima Nona præscriptio: manat ab  
eo, quod opponi solet. Nempe: *si mani-*  
*festus Ecclesiæ error sit, (inquiunt:) quomo-*  
*do assensum merebitur, & exiget?* Ad hoc,  
ut respondeam, præscribo: *Hypothesim*  
*falsam esse.* Nunquam enim regula fidei,  
quam sanxit legitima veræ Ecclesiæ pote-  
stas, nunquam dico erravit: nec errare, ex  
promissione Christi, potest.

19. Falsò  
errores  
Ecclesiæ  
veræ ad-  
scribi.

Sed fac errasse. Tu ne es qui corrigas? quo  
jure, qua potestate? quo argumento; scilicet

Perperâ  
privato  
iudicio  
corrigi  
te



te expectabat veritas liberanda. Interim perperam prædicabatur: perperam credebatur: tot millia millium perperam tincta: tot officia perperam operata: ut hunc locum more suo, fortiter premit, Tertullianus.

*Quod nova missione Divina fieri oporteret.* Certè si errare posset Ecclesia; oporteret Deum primam missionem, novâ evertere: eamquè signis, prout primam firmare: tum demum forsan, fas esset desciscere. Sed fortasse ne tum quidem: quando nec Angelo aliud annuncianti, credere jubemur.

Hæc sunt: quæ meritò præscripti, vera nempe religionis Christianæ fundamenta: & signa.

*Hereticis hæc fundamenta religionis non quadrant.* Excutiant se verò heterodoxi: & attentè expendant: quâ ratione hæresis nomen effugere queant: seu hæc, tam ipsis non convenientia, simulatè admittant, nec ad Ecclesiam redeant: seu impudenter rejiciant. Rejiciant autem necesse est: quia tueri nequeunt: &, ut jactent; tamen verba rebus contraria sunt: & quod dicunt, factis negant.

*Quod ex regula fidei quam præferunt demonstratur.* Quod ut breviter demonstrarem; operæ pretium est: ponere in primis Regulam credendi: quam illi præferunt: ea autem est. *Solum & purum (inquiunt) verbum Dei:* seu Autoritas sacræ Scripturæ, sanè intellectæ. Hoc est quod passim jactant: quod speciosè ostentant. Et verum quidem est, veram regulam fidei, ne-



necessariò, sacrae Scripturae, convenire:  
nec posse, ab eâ diversam esse: attamen,  
si bene inspicias; agnosces profectò, Scri-  
pturam hîc obtentui esse: revera autem, pro  
regula haberi cujusque interpretationem.

Quam variam esse posse, dissidium se-  
ctarum ostendit: Nunquam sine authori-  
tate sopiendum.

*Ea enim  
est priva-  
ta scrip-  
tura in-  
terpreta-  
tio.*

Hac tali regulâ fidei constituta, mani-  
festum est: & ruere omnia fundamenta  
religionis, quæ recensitis præscriptioni-  
bus stabilivi: & sectis minimè congrue-  
re. Primùm enim; *veram apud se, nec* Religionis  
*possunt, nec audent religionem profiteri* Non funda-  
*possunt: quia inquirendam in Scripturis, &* menta.  
*scrutandam docent: qui autem quærit, non*  
*tenet. Non audent: quia dum scire vo-* Nec veri-  
*lunt, non credere; infallibilis certitudi-* tas ejus  
*nis hostes sunt: quam non ratio humana,* certò con-  
*sed fides facit.* stare po-  
test.

Deinde: si certitudinem veritatis non  
profitentur; profectò *nec unitatem habent:* Nec uni-  
*nec semel constitutam fidem: sed opinio-* tas.  
*nem ac persuasionem: prout interpretati fue-*  
*runt Scripturam.*

Tertiò: *neque necessitatem unius Reli-* Nec ne-  
*gionis agnoscent: quia ex regula credendi,* cessitas.  
*quam præferunt, sequitur quemque posse*  
*credere prout Scripturam intelligit: Unde*  
*multorum assertio: omnes in sua religio-*  
*ne posse salvari. Quod necessitatem veræ,*  
*& unius, prorsus tollit.*

M Quar-



*Nec catus legitimus.* Quartò: nec legitimum cœtum: quia (ut mox ostendam;) nec potestate, nec lege, constitutum: id est, *non societatem, cum certo ordine regendi, & parendi: sed licentiosâ conspiratione secessionem.*

*Nec Potestas.* Quod etiam; Quintam, & deinceps, nonam usquè præscriptionem, contra illos esse; evincit. Etenim omnes istæ, potestatem omnino exigunt, & legem. *Potestatem verò illi, adeo non habent; ut Scripturâ contenti, oppugnent etiam ac defurgiant.* Nequè sanè miror: cum hæc constet successione, quæ apud illos nulla. *Dicunt etiam Ecclesiam veram, mille amplius annis, aut non fuisse; aut, quod idem est, occultam.* Quod utrumque successione (tanto præsertim intervallo) vel ruptam, vel ignotam, atque ideo falsam, nullamquè facit.

*Nec Lex.* Legem verò etiam habere nequeunt. Quia etiam si sanciant dogmata; tamen *eatenus eis assentiuntur, quâ agnoscunt Scripturæ congruere.* Peto verò, *possuntne agnoscere, contrarium? Si possunt; quorsum fidei formula? si non; quorsum inquisitio? aut itaque desinant inquirere, si asserunt se habere, semel constitutam credendi rationem aut si inquirunt; fateantur se illam non habere.*

*Nec Hierarchia.* Decimò: Hierarchicos ordines aspernantur: & Monarchiæ professi hostes sunt. Un-



Undecimò: *Ecclesie definitionem quam Non deni-*  
*posui; potius (desperatione causæ) diffite- que Ec-*  
*buntur veram: quam ut eam sibi accommo- clesia.*  
*dent.* Idquè ideo: quia ne esse quidem  
 Ecclesiam aliquam, firmiter volunt: as-  
 feruntquè. Etsi enim solennia quædam  
 ejus retineant, ac usurpent; ut Cathe- *Quam*  
 chismum, instituta circa ritus, Festorum *tamen re-*  
 dierum indictionem, ministros certo gra- *tinent.*  
 du, synodos, excommunicationes, alia-  
 què; tamen cuncta hæc, necessitate po-  
 tiùs, (aliter enim Religio constare non *Sed ma-*  
 posset:) quàm approbatione: Nam ut *gis neces-*  
 omnia sibi libera, & integra relinquunt; *sitate*  
 ne illegitimi cœtus, & nullo jure congrega- *quàm*  
 tæ Ecclesie arguantur; ne illigari con- *approba-*  
 fessionem, dogmati adstringi, ac potestati *tione.*  
 subjici possint; nulli se aiunt credere, nisi *Dum*  
 sacre Scripturæ. Quo ipso; nihil Eccle- *enim vi-*  
 sie debitæ authoritatis adtribuunt: sed ei *tant ob-*  
 proprio dominantur judicio: & tantùm *sequium,*  
 vanam ejus formam, ac velut larvam ha- *Tollunt*  
 bent. Hinc est, quòd passim scripta vul- *ejus im-*  
 gant: Nullum sacrum ordinem, nulla *perium.*  
 officii potestatisquè discrimina, atque ad-  
 eo nullam Ecclesiam, veïut Civitatem  
 bene ordinatam, esse.

Ista autem quæ undecies præscripsi; *Ideo con-*  
 dum non conveniunt sectis; dum eis ne- *vincun-*  
 queunt aptari; hoc ipso facilè, & mani- *tur schis-*  
 festò eas convincent, omnium eorum, *matis.*



quæ à duodecima præscriptione deinceps sequuntur.

*Quod strictim ostenditur* Descivere enim sectæ, ( ut quæ præscripsi compendi faciam, ) ab Ecclesia, corrigere eam voluerunt: Novum instituerunt coetum: separatamquè Ecclesiam: Primam fidem, habentes exinde damnationem; reliquerunt: latam aperuèream: Autores earum, non correctores, sed corruptores, meritò jam audiunt: *sectis denique nomina; de suo nomine imposu-*

*Seceffionè runt:* Etsi enim hoc postremum negetur, & nemo se Lutheranum, aut Calvinianum libenter dici velit; sed tamen profectò sunt: nequè aliter dignoscuntur. *Quod si Euangelicos, seu reformatæ Religionis sese nominent, hæc ipsa nomina novitia, & veteri Ecclesiæ ignota, prorsus esse; nemo nescit: quæ; præter Christianos, & Catholicos, non novit.*

*Adhortatio illos qui videntur velle errare.* Sed sat evagatus sum: & ultra finem forsàn, modumquè propositi. Itaque pauca tantùm ad sectatios. Non puto omnes velle errare: si quos tamen ambitio, avaritia, æmulatio prava, studium præcellendi, obsequii detrectatio, arrogantia denique mentis, adeo transversos egit, ut illi

*Videant quanto sint in periculo* peccare lubeat; Videant quæso: quàm periculosæ plenum opus alexæ, levi causâ tractent: quanto in periculo versentur, quo damno, quo discrimine ludant. At-

ten.



tendant deinde ad internum testem in- Atten-  
 quietæ mentis. Nemo enim suam con- dant con-  
 scientiam decipit, qui fallit alienam. Cla- scientiæ  
 mat animus interior, & arguit, vel dere- redargu-  
 lictæ, vel non inventæ, vel (quod pessi- enti.  
 mum) spretæ veritatis. Quisquis ergo  
 ejusmodi es, redi tecum in gratiam.  
 Quid prodest, te pertinaciter esse, quod  
 esse non prodest? *Num pudet à veritate* Non erü-  
*vinci? Nonne si illa victrix tui, tu trium-* bescant, à  
*phator erroris? Cur illo suffundaris, quo* veritate  
*gaudebis caruisse? Certè deserta opinio* vinci.  
 prava, Confessio arberrationis, malè as-  
 ferti dogmatis damnatio, Transfugium  
 denique ad bonos, solido ac vero, immo  
 necessario fructu, pensabit abundè, ina-  
 ne, quod hinc oriri possit, levitatis im-  
 properium.

Vos verò, qui ignoratione peccatis; Qui ig-  
 nolite dogmatis pertinaciam, nimium stu- noratione.  
 dium sectæ, & denique odium adversæ peccant.  
 partis induere. Non est enim vobis Reli- Inquirät  
 gio, etiam post sancitum dogma, inqui- verum si-  
 rere: & scrutari: Permittit hoc, aut po- de bonæ.  
 tius exigit, regula fidei: quam profite-  
 mini. Quærite ergo fide bonâ: *nihil enim*  
*absurdum magis; quàm aut testari dubita-*  
*tionem, nec tamen inquirere: aut tueri, ac* Non reti-  
*defendere, quæ dixeris quærenda. Deinde;* neantur  
 non vos secta, & societas opinionis reti- sectæ stu-  
 neat: absolvit enim vos hoc vinculo, da- dis.



*Ne ode-  
rint nos  
gratis.*

*Qui illis  
bene cu-  
pimus.*

*Voto ad  
Deum  
Locus  
laudat-  
ur.*

tum cuique hac in re arbitrium: nullo ad-  
strictum obsequio. Deinde; nolite odio  
abripi: tum enim demum, spondeo,  
agnoscetis: & ignorare vos, cum odistis,  
& iniquè odisse cum ignoratis. Nos certè  
non vobis irascimur. Poenam errantibus  
assignamus, veri agnitionem: victoriæ  
vobis pretium, salus Vestra. Pro hac de-  
certamus, pro hac pugnamus. Et cum  
Apostolo, testis est nobis Deus, quo-  
modo omnes vos cupiamus, in visceri-  
bus Domini nostri JESU CHRISTI.

Denique voto locum hunc concludo:  
& te, Deus, invoco: ut (quod tu solus  
potes) mentes opinione corruptas, veri-  
tati restituas: & aberrantes oves, in Ec-  
clesiæ caulam reducas: ut sit, prout pro-  
mifisti, unum ovile, & unus PASTOR.

## C A P U T I I.

*Περὶ Θεοσεβείας: Seu*

*De Cultu DEI.*

*Notitiam* **N**otitiam Veram, & agnitionem De-  
*Dei cul-* **N**ovitatis, necessariò veneratio &  
*us conse-* cultus consequitur. Quis enim, cum cogi-  
*quitur.* verit summum illud, intra se infinitè perfè-  
Et ab illâ etum, beatumquè, in omnia summè potens  
necessario erga nos, mirè & supra modum, beneficium  
manat. quis, inquam, non colat? non adoret? De-  
benus